


Centimetres

**TIFFEN** Color Control Patches

© The Tiffan Company, 2007



欽定



源流考





欽定滿洲源流考



582076



光緒癸巳孟秋杭  
州僖益書局石印

欽定四庫全書提要

欽定滿洲源流考二十卷

乾隆四十二年奉

敕撰洪惟我

國家朱果發祥肇基東土白山黑水實古肅慎

長道遂修阻傳聞不免失真又文字互殊

多莫得其源流是編仰稟

聖裁參考史籍證以地形之方位驗以舊俗之流傳博徵詳校列為四門一曰部族自肅慎氏

以後在漢為三韓在魏為挹婁在元魏為勿吉在隋唐為靺鞨新羅渤海百濟諸國在

金為完顏部妣一一考訂異同存真辨妄而索倫費雅喀諸部毗連相附者亦竝載焉二

曰疆域凡渤海之上京龍泉府靺鞨之黑水府燕州渤海之上京黃龍府金之上京

會甯府元之肇州竝考驗道里辨正方位而一切古蹟附見焉三曰山川凡境內名勝分

條臚載如白山之或稱太白山徒太山黑水或稱完水或稱室建河以及松花江即粟末

水甯古塔即忽汗水今古異名者皆詳為辨證其古有而今不可考者則別為存疑附於

末四曰

國俗如左傳所載楷矢貫隼可以見騎射之原松漠紀聞所載軟脂蜜膏可以見飲食之繁

而後漢書所載辰韓生兒以石壓頭之類妄誕無稽者則訂證其謬至於渤海以來之支



字金源以來之官制亦皆並列其體例每門以  
國朝爲綱而詳述列朝以溯本始其援據以  
御製爲據而博採諸書以廣參稽允足訂諸史之譌而傳千古之信非諸家地志影響附會者  
所能擬也

欽定滿洲源流考卷首

欽定滿洲源流考卷首

論旨

乾隆四十二年八月十九日內閣奉

上諭頃閱金史世紀云金始祖居完顏部其地有白山黑水白山卽長白山黑水卽黑龍江本  
朝肇興東土山川鍾毓與大金正同史又稱金之先出靺鞨部古肅慎地我朝肇興時舊稱  
滿珠所屬曰珠申後改稱滿珠而漢字相沿訛爲滿洲其實卽古肅慎爲珠申之轉音更足  
徵疆域之相同矣又後漢書三韓傳謂辰韓人兒生欲令頭匾押之以石夫兒初墮地豈堪  
以石押頭其說甚悖於理國朝舊俗兒生數日置臥具令兒仰寢其中久而腦骨自平頭形  
似匾斯乃習而自然無足爲異辰韓或亦類是范蔚宗不得其故曲爲之解甚矣其妄也若  
夫三韓命名第列辰韓馬韓弁韓而不詳其義意當時三國必有三汗各統其一史家不知  
汗爲君長之稱遂以音同誤譯而庸鄙者甚至訛韓爲族姓尤不足當一噓向曾有三韓訂  
謬之作惜未令人盡讀之而其謬耳若唐時所稱雞林應卽今吉林之訛而新羅百濟諸國  
亦皆其附近之地顧昔人無能考證者致明季狂誕之徒尋摘字句肆爲詆毀此如桀犬之  
吠無庸深較而舛悞之甚者則不可以不辨若夫東夷之說因地得名如孟子稱舜東夷之  
人文王西夷之人此無可諱亦不必諱至于尊崇本朝者謂雖與大金俱在東方而非其同  
部則所見殊小我朝得姓曰愛新覺羅氏國語謂金曰愛新可爲金源同派之證蓋我朝在



大金時未嘗非完顏氏之服屬猶之完顏氏在今日皆爲我朝之臣僕普天率土統于一尊理固如斯也譬之漢唐宋明之相代豈皆非其勝國之臣僕乎又有云我

祖宗時曾受明龍虎將軍封號亦無足異我朝初起時明國尙未削弱因欲與我修好借此以結兩國之歡我朝固不妨爲樂天保世之計迨我國聲威日振明之綱紀日隳且彼妄信讒言潛謀戕害于是我

太祖赫然震怒以七大恨告

天興師報復自薩爾濤松山杏山諸戰大敗明兵明人欲與我求和斥而不許彼尙安能輕侮我朝乎且漢高乃秦之亭長唐祖乃隋之列公宋爲周之近臣明爲元之百姓或攘或侵不復顧惜名義若我朝乃明與國當闢賊擾亂明社既移之後吳三桂迎迂王師入關爲之報讎殺賊然後我

世祖章皇帝定鼎燕京統壹寰宇是得天下之堂堂正正孰有如我本朝者乎至若我國家誕膺天眷朱果發祥亦如商之元鳥降生周之高禡履武紀以爲受


命之符要之仍係大金部族且天女所浴之布勒瑚哩池卽在長白山原不外白山黑水之境也又金世紀稱唐時靺鞨有渤海王傳十餘世有文字禮樂是金之先卽有字矣而本朝國書則自

太祖時命額爾德尼巴克什等遵製通行或金初之字其後因式微散佚遂爾失傳至我朝復爲

糊造未可知也他如建州之沿革滿洲之始基與夫古今地名同異并當詳加稽考勒爲一書垂示天下萬世着派大學士阿桂于敏中侍郎和珅董誥悉心檢覈分條編輯以次呈覽候朕親加釐定用昭傳信而闡羣惑並將此通諭知之欽此







欽定滿洲源流考卷首

欽定滿洲源流考卷首奏摺

臣阿桂臣于敏中和坤臣董誥謹

奏六年八月十九日欽奉

上諭命臣等將建州沿革滿州始基舉古今地名同異詳加稽考勒成一書欽此所有編纂事宜酌擬凡例七條繕寫清單恭呈

御覽伏候

欽定嘉名用光典冊至此項書籍擬在方畧館就近辦理所需編纂及譯漢人員擬派內閣侍讀麟書中書王麟筆帖式七德為滿纂修官理藩院筆帖式臨保候補筆帖式明倫工部庫使巴尼泰為譯漢官照滿曆錄之例行走翰林院編修宋銓平恕候補部員曹錫寶為漢纂修官并派郎中巴尼理侍讀孫永清為提調官專司督催稽核至繕寫收發之曆錄供事等應即在方畧館通融抽撥惟查該館現在趕辦

平定兩金川方畧并

大清一統志西域圖志熱河志及元遼史明紀綱目明史本紀等書各有卯限原設之曆錄供事僅供各書之用難以再為分撥臣等公同酌擬應再咨取漢曆錄四名供事六名令其專心承辦庶有責成俟將來書成之日照例給予議敘以示鼓勵其所添之曆錄供事等應支桌飯銀兩并需用筆墨桌檯等項仍由該館照例隨時于戶工等衙門撙節支領毋



庸專欲置辦合併聲明是否伏祈

皇上訓示遵行謹

奏乾隆四十一年九月初八日

奏初九日奉

旨知道了書名著定為滿洲源流考欽此



欽定滿洲源流考卷首

辦理滿洲源流考諸臣職名

總裁

總纂

原任武英殿大學士總理刑部事務一等誠謀英勇公臣阿桂

原任文華殿大學士總理戶部事務兼翰林院掌院學士臣于敏中

原任文華殿大學士總理吏部戶部刑部事務一等忠襄伯臣和珅

經筵講官太子太保東閣大學士總理禮部事務臣王杰

經筵講官太子少保東閣大學士臣董誥

總纂校官

翰林院編修陞任詹事府詹事府詹事臣平恕

翰林院修撰陞任詹事府少詹事三品卿銜臣戴衢亨

纂修官

內閣侍讀陞任江西廣信府知府臣麟喜

原任內閣中書陞任戶部主事臣呈麟

理藩筆院帖式陞任理藩院員外郎臣七德

大理寺寺丞陞任戶部員外郎臣馬廷模




理藩院筆帖式	陞任	理藩院主事	臣巴琿阿		
內閣		中	書臣圖勒炳阿		
太僕寺		主	事臣成裕		
原任翰林院		編	修臣宋銑		
原任江西道		監察御	史臣曹錫寶		
翰林院		編	修臣汪滋晚		
陝西道		監察御	史臣沈現		
戶部		主	事臣曹錫章		
提調官					
銀庫郎中陞任	戶部右侍郎	正黃旗滿洲副都統	署廣西巡撫	臣台布	
原任	兵部	郎	中臣巴尼璉		
兵部		郎	中臣德綸		
掌福建道		監察御	史臣托津		
原任內閣侍讀		陞任	廣西巡撫	臣孫永清	
通政司		參議	三品	卿	銜臣吳熊光
掌戶部		科	給事	中臣馮培	

收掌官

禮部		科	給事	中臣汪日章			
原任	戶部	主事	陞任	副都統	職	銜	臣舒濂
原任	兵部	主事	陞任	江蘇	按察使	臣穆克登	
內閣		院	員	外		郎	臣湛露
兵部		員	外	閣	侍	讀	臣素納
原任	內閣	中書	陞任	浙江	溫處	道	臣史夢琦
刑部		郎	浙江	溫處	道	臣陸瑗	
掌江西		道	監察御	史臣盛惇崇			



欽定滿洲源流考卷首



欽定滿洲源流考卷首凡例

一我

國家建邦啟土

肇迹東方

創業始基地靈効順其古今沿革自應詳臚本末用以昭傳信而正羣訛謹擬首立部族一門凡在古爲肅慎在漢爲三韓在魏晉爲挹婁在元魏爲勿吉在隋唐爲靺鞨新羅渤海百濟諸國在金初爲完顏部及明代所設建州諸衛並爲考據異同訂析訛誤博稽史傳參證羣書分目提綱各加按語俾源流分合指掌瞭然

一按唐史所載渤海置五京十二府其上京龍泉府卽肅慎故地而黑水靺鞨入朝亦嘗置燕州勃利州及黑水府諸名目其後若遼置東京黃龍府金置上京會寧府分設郡邑俱詳載二史地理志中至元時猶有肇州之稱基布星羅遺跡尙頗可攷謹擬次立疆域一門凡史冊所載諸城鎮村寨之屬各按原書方位證以現在地理形勢件繫條分詳加辯證務使圖經所紀條貫咸該至遼金宮室建置一切古蹟應行考據者均卽載入疆域一門用徵故實

一按白山黑水其名始見于北史而顯著於金源至

本朝受



命龍興實為朱東發祥之地鍾神毓慶靈蹟昭然而諸史或稱太白山或稱徒太山或稱完水或稱室建河稱謂多殊名實易舛允宜詳悉核訂至若松花江即唐書之粟末水寧古塔即唐書之忽汗水亦為勝地名川向來記載紛淆均資考覈謹擬文立山川一門以現在大清一統志

盛京通志所載據今證古析異定譌其或古有今不可考者則別為存疑附之于末一史稱東方仁謹道義所存樸厚之源上追隆古我

朝肇基東土舊德敦龐超軼前代即如祀

神之禮無異于幽人之執豕酌匏三代遺風由茲可觀而參稽史乘其儀文習尚亦往往同符如左傳稱肅慎之矢可以見俗本善射之原後漢書稱三韓以石壓頭可以見俗用臥具之訛松漠紀聞稱金燕飲為軟脂蜜糕可以見俗尚餅餌之始其他足資引證者尙多謹擬次立

國俗一門博引典籍分條臚考以著淳風所本源遠流長洵與周公之陳七月金世宗之歌土風取義維均足以訓行奕禩

一金時官制如勃極烈之為貝勒謀克之為穆昆猛安之為明安雖沿誤相仍而溯源可考又自新羅渤海已肇興文字金之初年用契丹字太祖熙宗作女真大小字其制漸備維時設女真進士科經書皆有譯解今遺製已湮而碑刻間存至我

太祖高皇帝創制國書義蘊精微允為制作之極則謹擬約舉大凡附列

國俗一門之後用以垂信方來

一 國家扶輿積慶倣造不基長白肇興實為邪岐舊壤今敬謹考核一以近

發祥初地者為定至若

王師順動以後經營遼瀋卜宅定都凡

盛京地方建置規模及山川地理已具詳

開國方畧

盛京通志諸書中是編請毋庸兼載以協體制

一恭讀

御製文集盛京賦三韓考諸篇及

巡幸盛京吉林諸詩什包括典故剖析晰辨論洵足折衷羣言垂示千古謹擬于書中各條內恭

錄載入永昭定論



欽定滿洲源流考卷首



欽定滿洲源流考卷首目錄

卷一

部族一

滿洲

肅慎

夫餘

卷二

部族二

挹婁

三韓

勿吉

卷三

部族三

百濟

卷四

部族四



新羅

卷五

部族五

靺鞨

卷六

部族六

渤海

卷七

部族七

完顏

建州

附金史姓氏考

卷八

疆域一

興京

吉林

黑龍江

肅慎四至

肅慎城 肅慎縣

夫餘國都

夫餘城 夫餘府

挹婁國界

挹婁故地 挹婁縣

三韓分地

三韓屬國

三韓故地 馬韓都督府 辰州 三韓縣

卷九

疆域二

沃沮 濊

勿吉行程

勿吉七部故地

勿吉旁國



百濟里至

百濟都城 百濟郡邑

百濟諸城

新羅

雞林州

新羅九州

靺鞨

黑水州 黑水府

鐵利越喜故地

卷十

疆域三

渤海國境

忽汗州 忽汗城

上京 龍泉府

龍州

湖州

渤海

中京 顯德府

盧州

顯州

鐵州

渤海

榮州

興州

東京 龍原府

慶州

鹽州

穆州

賀州

南京 南海府

沃州

晴州



椒州

西京 鴨綠府

神州

桓州

豐州

正州

長嶺府

河州

夫餘府

鄭誦府

高州


安寧郡

定理府

定州

瀋州

安邊府



安州

率賓府

益州

建州

東平府

蒙州

沱州

東平寨

懷遠府

富州

美州

福州

鐵利府

廣州

蒲州

義州





歸州

安遠府

寧州

慕州

鄂銅凍三州

蓋州

崇州

集州

麓州

卷十一

疆域四


遼東北地界

遼上京長春州

遼東京遼陽府

開州

定州



保州

辰州

盧州

來遠城

鐵州

興州

湯州

崇州

海州

涿州

桓州豐州正州慕州


顯州

宗州

乾州

貴德州

潘州





集州

廣州

遼州

遂州

通州

韓州

雙州

銀州

同州

咸州

信州

賓州

龍州

湖州

渤州

鄂州

銅州

涑州

率賓府

定理府

鐵利府

安定府

長嶺府

鎮海府

冀州

東州

尙州


吉州

麓州

荊州

懿州

滕州





順化城

寧州

衍州

連州

歸州

蘇州

復州

肅州

安州

榮州

牽州

荷州

源州

渤海州

寧江州

河州

祥州

遼營衛 阿延女真

伊德女真

五國部

卷十二

疆域五

金上京

會寧府

肇州

隆州

信州



夫餘路

海蘭路

率賓路

哈斯罕路

呼爾哈路





烏爾古德呼勒統軍司

咸平路 咸平府

韓州

金東京 遼陽府

澄州

瀋州

貴德州

蓋州

復州

來遠州

博索府

卷十三

疆域六

元瀋陽路

開元路

咸平府

海蘭府碩達勒達等路

肇州

博索府

附明衛所城站考

卷十四

山川

啟運山

天柱山

隆業山

長白山

青嶺



瑪奇嶺

伊勒呼嶺

長嶺

東牟山

輝山





白平山

遼山 瑚呼瑪山

庫堪山

果囉山

馬鞍山

冷山

德林石

龍首山

蛇山

刁蹕山

醫巫闾山

千山

十三山

首山

明王山

華表山

熊岳山

金山

蒺藜山

龍鳳山

鳳凰山

噶哈嶺

太蘭岡

吉林崖

古呼山

扈爾奇山

宜罕山



伊瑪護山岡

薩爾濟山

鐵背山

碩欽山

尚間崖





斐芬山

阿布達哩岡

固拉庫崖

青苔峪

黃骨島

牽馬嶺

覺華島

興安嶺

皮島

呂翁山

松山


塔山

杏山

附載單單大嶺諸地

卷十五

山川



混同江

鴨綠江

愛呼河

圖們江

佟佳江

遼河

渾河 瀋水

太子河

沙河

大清河

柴河

范河

輝發河

伊屯河

伊爾們河





大凌河

羊腸河

珠子河

率賓水

扎蘭水

海蘭水

拉林河

阿勒楚喀河

海古勒水

呼爾哈河

琿春河

嫩江

洮爾河

黑龍江

屯河

哈勒瑾河

奧婁河

葶苈泊

附載弱水諸水

卷十六

國俗一

滿洲

騎射

冠服

卷十七

國俗二

卷十八

國俗三



祭祀

祭天

祀神

雜禮

官制





語言

附金史舊國語解考

卷十九


國俗四

物產

卷二十

國俗五

雜綴



欽定滿洲源流考卷首

欽定滿洲源流考卷一

部族一

謹按我

國家誕膺

景命肇啟大東毓瑞凝祥同符雅頌皇皇乎元鳥之生商高禔之啟稷矣恭考

實錄自

始祖定三姓之亂建國鄂多理城卽以滿洲建號繼繩繩鍾靈篤慶洪惟

肇祖原皇帝創業於赫圖阿拉之地爰及

景祖觀光揚烈乃舉五嶺以東蘇克素護河以西諸部而撫綏之迨我

太祖高皇帝天錫智勇懋建大勲既克圖倫遂收棟鄂

太宗文皇帝鴻圖式廓遐邇景從東北諸部蓋爲臣僕稽諸古昔若肅慎夫餘三韓靺鞨百濟新

羅渤海女真諸國沿革可徵淮南子云東方多君子之國信矣臣等謹立部族一門先臚

舉史冊所載各條參以今之考證或訂其音轉之訛或稽其分合之迹斷自肅慎爲始而

仍弁

國號於簡端以著統

專溯源之義云

欽定滿洲源流考

部族



滿洲

按滿洲本部族名恭考

發祥世紀長白山之東有布庫哩山其下有池曰布勒瑚哩相傳三天女浴於池有神鵲銜朱果置季女衣季女含口中忽已入腹遂有身尋產一男生而能言體貌奇異及長天女告以吞朱果之故因錫之姓曰愛新覺羅名之曰布庫哩雍順與之小册且曰天生汝以定亂國其往治之天女遂凌空去於是乘舫順流至河步折柳枝及野蒿為坐具端坐以待時長白山東南鄂謨輝之地有三姓爭為雄長曰構兵相仇殺適一人取水河步歸語眾曰汝等勿爭吾取水河步見一男子察其貌非常人也天不虛生此人眾皆趨問答曰我天女所生以定汝等之亂者且告以姓名眾曰此天生聖人也不可使之徒行遂交手為昇迎至家三姓者議推為主遂妻以女奉為貝勒居長白山東鄂多理城建號滿洲是為國家開基之始以

國書考之滿洲本作滿珠二字皆平讀我

朝光啟東土每歲西藏獻丹書皆稱

曼珠師利大皇帝翻譯名義曰曼珠華言妙吉祥也又作曼殊室利大教王經云釋迦牟尼師民

盧遮那如來而大聖曼殊室利為毘盧遮那本師殊珠音同室師一音也當時

鳩號肇稱實本諸此今漢字作滿洲蓋因洲字義近地名假借用之遂相沿耳實則部族而非地

名固章章可考也

御製全韻詩

天造皇清發祥大東山曰長白江曰混同峻極襟帶福萃靈鍾山頂有潭闔門名揚訃二張白聖

綿亘千餘里雄觀峻極扶輿靈氣所鍾山之上出焉曰三天女者降而浴躬神鵲含果吞以

娠中錫之姓名母遂凌空山之東有布庫哩山其下有池曰布勒瑚哩相傳有三天女曰恩

含口中忽已入腹遂有身尋產一男生而能言體貌奇異及長天女告以吞朱果之故因錫之姓為愛新覺羅名之曰布庫哩雍順與之小册乘之母遂凌空去有取水人見

訝異徵叶交手昇歸推為主國叶三姓定亂鄂多理城崇號建滿洲

開基肇宗天男乘初順流下至河步登岸所柳及高為坐具端坐其上其地有三姓爭為雄長日

貌非常人也天不虛生此人眾皆趨問答曰我天女所生以定汝等之亂者且告以姓名眾曰此天生聖人也不可使之徒行乃交手為昇迎至家三

姓者議推為主遂妻以女奉為貝勒居長白山東鄂多理城建號滿洲

利大皇帝至今漢字作滿洲者蓋因洲字義近地名假借用之遂相沿從俗云兀鳥商室帝武周家叶

聖必有啟異揆同風

右長白山發祥

肅慎一作息慎又作櫻慎

虞

竹書紀年帝舜有虞氏二十五年息慎氏來朝貢弓矢



史記虞帝紀南撫交趾北發西戎析枝渠搜氏羌北山戎發息慎

周

汲冢周書王會解西面者正北方稷慎大塵

孔子家語武王克商肅慎氏貢楛矢

尚書序成王既伐東夷息慎來賀

尚書傳王俾榮伯作賄肅慎之命

史記孔子世家有隼集於陳庭楛矢貫之石矐矢長尺有咫陳潛公使使問仲尼仲尼曰隼來遠矣此肅慎之矢也

後漢書康王之時肅慎復至

漢

後漢書古肅慎國在天餘東北千餘里東濱大海

淮南子海外三十六國有肅慎氏

三國

三國志魏書明帝青龍四年肅慎貢楛矢

晉

晉書肅慎國東北有山出石其利入鐵將取之必先祈神周武王時獻其楛矢石矐逮於

周公輔成王復遣使入賀爾後千餘年雖秦漢之盛莫之致也及文帝作相魏景元末來

貢楛矢魏帝詔歸於相府賜其王得雞錦蔚繇帛至武帝元康初復來貢獻元帝中興又

詣江左貢其石矐成帝時通使於石季龍

南北朝

册府元龜宋孝武帝大明二年肅慎國獻楛矢

謹按肅慎之名著於周初考竹書紀年有虞舜十五年息慎獻弓矢之文史記虞帝紀

亦稱北發息慎鄭元注曰息慎或謂之肅慎周書王會解又作稷慎息稷與肅音轉之訛

其為一國無疑由來固已遠矣秦漢之盛史無傳焉後漢書地輿傳則云即古肅慎似其

名至漢而止然魏晉時問通使聘史臣皆以肅慎書之則不得云東漢無肅慎也要之貢

山襟海地大物博又風氣樸淳故歷虞夏商周迄魏晉傳世二千餘年不絕范蔚宗謂冠

弁衣錦器用俎豆誠非虛語特自漢以後始有岐稱耳宋劉忠恕稱金之姓為朱里眞天

北音讀肅為須須朱同韻里眞二字合呼之音近慎蓋即肅慎之轉音而不知者遂以為

姓

國初舊稱所屬曰珠申亦即肅慎轉音漢人不知原委遂歧而二之猶之或為稷慎或為息

慎其實一也至於自漢魏以後所稱部名則分條詳係於後云

夫餘扶餘



御製夫餘國傳訂訛

近閱四庫全書內元郝經續後漢書所作夫餘國列傳其官有馬加牛加之名訝其誕詭不經疑有舛誤因命館臣覆勘其說實本之後漢書及三國魏志夫餘傳之文於是歎范蔚宗陳壽之徒不識方言好奇逞妄疑誤後人而更惜郝經之失於裁擇也其傳曰國以六畜名官有馬加牛加豬加狗加諸加別主四出道有敵諸加自戰下戶簷糧飲食之信如其言則所謂諸加者何所取義乎史稱夫餘善養牲則畜牧必蕃盛當各有官以主之猶今蒙古謂典羊之官曰和尼齊和尼齊羊也典馬者曰摩哩齊摩哩者馬也典駝者曰特默齊特默者駝也皆因所牧之物以名其職特百官中之一二誌夫餘者必當時有知夫餘語之人譯其司馬司牛者為馬家牛家遂訛為馬加牛加正如周禮之有羊人犬人漢之有狗監耳若必以六畜名官寓相貶則郊子所對少皞氏為名官為鳥師而鳥名又何以稱乎蔚宗輩既訛家為加又求其說而不得乃強為之辭誠不值一噓總由晉宋間人與外域道里遼阻於一切音譯素所不通遂若越人視秦人之肥瘠卒憑耳食為傳會甚至借惡詞醜字以曲肆其詆毀之私可鄙孰甚且蔚宗以附彭城王義康謀反伏誅陳壽素米為人作佳傳其人皆不足取其言又何足據乎第後漢書三國志久經刊行舊文難以更易因命於續後漢書中改加為家並為訂其踳謬如右

謹按馬加牛加之說始於范蔚宗陳壽歷代史志襲謬承訛至郝經續後漢書猶沿用之

蓋當時音譯未通曲為傳會更于百年未有能知其妄者恭讀

御製夫餘國傳訂訛指加為家字之誤近例之蒙古典羊典馬之官遠徵諸周禮羊人犬人之掌設官分職至理所存古今一揆也蔚宗輩之貽誤後人蓋非淺鮮矣臣等敬錄冠簡端以示萬世折衷之準其自後漢以下諸書凡有關夫餘事實者仍以次條列云

漢

後漢書夫餘國在元菟北千里地方二千里最為平敞以員柵為城有宮室倉庫以六畜名官有馬加牛加狗加其邑落皆主屬諸加

册府元龜夫餘國本濊地也漢武帝元朔元年以其地為滄海郡數年乃罷至元封三年

滅朝鮮分置樂浪臨屯元菟真番四郡至昭帝始元五年罷臨屯真番以并樂浪元菟元菟復徙居句麗自單單大嶺後漢書作單大嶺已東悉屬樂浪後以境土廣遠復分嶺東

七縣置樂浪東部都尉

後漢書建武二十五年夫餘王遣使奉貢光武厚答報之於是使命歲通永寧元年遣嗣子尉仇台詣闕順帝永和元年其王來朝帝作黃門鼓吹角抵戲以遣之桓帝延熹四年遣使朝貢獻靈帝熹平中復奉章貢

册府元龜漢安帝延光元年夫餘王遣使貢獻又獻帝延康元年遣使貢獻

通考漢安帝永初五年夫餘王始將步騎七八千人入樂浪桓帝永康元年王夫台將二



萬人侵元菟

三國志夫餘在長城之北去元菟千里國有君王皆以六畜名官有馬加牛加豬加狗加大使大使者使者邑落有豪民下戶皆為奴僕諸加別主四出道大者主數千家小者數百家有敵諸加自戰下戶俱擔糧飲食之漢末公孫度雄長海東夫餘王尉仇台更屬遼東時句麗鮮卑強度以夫餘介其間妻以宗女按柳經續後漢書與此同不視載

三國

三國志夫餘王尉仇台死簡位居立無適子有孽子麻余麻余死其子依慮年六歲立以為王

魏畧夫餘其國殷富自先世以來未嘗破壞

魏畧昔北方有橐離之國按橐離後漢書作索離注云索音度洛反通典作橐離梁書作橐離非高句麗之高麗也惟隋書直作高麗合為一國誤其

王者侍婢有身王欲殺之婢云有氣如雞子來下我故有身後生子名曰東明東明善射

王恐奪其國也欲殺之東明走南至施掩水後漢書作掩泥水注云今高麗中有以弓擊蓋斯水疑此水是也梁書作掩泥水

水魚鼈浮為橋東明得度因都王夫餘之地

晉

晉書夫餘在元菟北千餘里其王印文稱濊王之印國中有古濊城武帝時頗來朝貢至大康六年為慕容廆所襲破其王依慮死子弟走保沃沮有司奉護東夷校尉鮮于嬰不

救夫餘失於機畧詔免嬰以何龕代之明年夫餘後王依羅遣詣龕求率見人還復舊國龕上列遣督郵賈沉以兵送之廆又要之於路沉與戰大敗之羅得復國沃沮詳見後條

南北朝

梁書高句麗其先出自東明東明本橐離王之子王欲殺之東明走至夫餘而王焉

隋書夫餘王嘗得河伯女閉於室內為日光隨而照之感而遂孕生一大卵有一男子破

殼而出名曰朱蒙夫餘之臣咸請殺之其母以告朱蒙朱蒙東南走遇一大水朱蒙曰我

是河伯外孫日之子也今有難而追兵且及如何得渡於是魚鼈積而成橋朱蒙遂渡朱

蒙建國號高句麗

隋書百濟後條之先出自高麗其王有侍婢生東明及長王忌之東明懼逃至淹水夫餘

人共奉之東明之後有仇台者篤於仁信始立其國於帶方故地漢遼東太守公孫度以

女妻之漸以昌盛為強國初以百家濟海因號百濟

北史朱蒙者其俗言善射也按於滿洲語稱善射者謂之卓琳莽阿卓與朱音相近琳則齒頤也莽阿二字急呼之音近蒙是傳寫聯讀音解

等二人走至紇升骨城後周書作紇斗骨城居焉號曰高句麗

魏書豆莫婁國在勿吉國北千里去洛六千里舊北夫餘也在失狹通考韋之東或言本

濊地也



通典百濟卽後漢末夫餘王尉仇台之後延興二年其王餘慶上表云臣與高麗先出夫餘

唐書高麗者出自夫餘之別種也百濟國本亦夫餘之別種

通典高麗得夫餘地置夫餘城後屬於渤海詳後


通考渤海以夫餘故地爲夫餘府

遼史地理志唐時契丹達呼爾禮作大賀氏通諡改氏盤食夫餘棘藪朔後之區地方二千

餘里

按高麗出自夫餘夫餘出自索離索讀如橐故或書爲橐橐形似橐故又轉爲橐橐與橐音同故魏畧及遼志復作橐與高麗實二國也夫餘在高麗北橐離又在夫餘北故東明南走而至夫餘朱蒙亦南走而至高麗然其事彷彿相同或傳聞之有一誤也隋書謂夫餘王尉仇台始立國於帶方自後遂稱百濟後魏時百濟所上書亦云先與高麗源出夫餘自晉以後百濟王之姓名有夫餘腆夫餘豐夫餘隆蓋直以夫餘爲姓矣後漢書稱夫餘在元菟北千里南接高麗東接挹婁本滅地故魏畧云夫餘王印文曰滅王之印謂本滅地而夫餘居之其舊國爲豆莫婁在勿吉北千里是夫餘始在極北後乃兼有南陲唐初地入於高麗高麗旣滅屬於渤海爲夫餘府其後見於史志者若遼之通州安遠豆龍

州黃龍府金之隆州利涉軍元之開元路皆其故地詳後渤海橐離國見於遼史爲韓州鳳州俱在今開元西北境外與挹婁實唇齒之邦也





欽定滿洲源流考卷一



部族二

挹婁

一作挹樓

漢

後漢書挹婁古肅慎之國也在夫餘詳前東北其邑落各有大人處於山林之間自漢興以後臣屬夫餘

册府元龜挹婁地多山險人形似夫餘者乘船北沃沮畏之每夏藏於巖穴至冬船道不通乃下居邑落

三國

三國志挹婁在夫餘東北千餘里人多勇力士氣寒劇於夫餘古之肅慎氏國也自漢以來臣屬夫餘夫餘責其租賦重以黃初中叛之夫餘數伐之其人眾雖少所在山險鄰國人畏其弓矢卒不能服也

通考挹婁即古肅慎之國也其國在不咸山北魏常道鄉公景元末來貢楛矢石弩弓甲貂皮之屬

晉

晉書肅慎一名挹婁在不咸山北其國東北有山出石其利入鐵將取必先祈神武帝元



唐 康初來貢元帝中興又詣江左貢其石弩至成帝時通貢於石季龍四年方達

新唐書渤海詳後本粟末靺鞨姓大氏高麗滅率眾保挹婁之東牟山地直營東州二千

遼史地理志大氏始保挹婁之東牟山有乞乞仲象者度遼水自固武后封為震國公後

自稱震王 五代史武后時乞乞仲象子祚榮立因并有乞乞羽之眾四十萬人據挹婁

遼 遼史地理志瀋州昭德軍雙州保安軍定理府皆故挹婁國地按瀋州昭德軍今承德縣 雙州保安軍今鐵嶺縣定

金 大金國志北接室韋西界渤海鐵離東瀕海三國志所謂挹婁地也

按挹婁之名始於後漢考之史傳即古肅慎氏晉書所謂肅慎一名挹婁是也至南北朝

始別有勿吉靺鞨勿吉靺鞨俱詳後之稱而舊名之見於簡冊者猶有可考如遼之瀋州雙州

定理府金之挹婁縣皆僅指一隅非其全部元史稱瀋陽路為挹婁故地似矣而於開元

路則云古肅慎地隋唐曰靺鞨又似歧而二之者蓋魏晉以前部族未分魏晉以後釐而

為七族愈繁而地愈廣容有非舊部之名所能該者矣至金史地理志謂瀋州本遼定理

府為挹婁故壤考遼志則瀋州之外別有定理府亦屬挹婁之地遼之定理實唐時渤海

所建至金已廢又金志稱瀋州挹婁縣本遼舊興州常安縣考遼志東丹城北至挹婁縣

范河二百七十里則遼時已有挹婁縣蓋郡邑雖移而幅員有定今見於

盛京通志者若承德若鐵嶺若吉林若寧古塔自奉天府治極於東北胥挹婁地也又明一

統志載洪武二十九年設左右千戶於懿路城永樂八年復設中千戶於懿路城其廢址

在今鐵嶺縣城南六十里又有站名懿路亦作伊魯當即遼金挹婁縣之遺今滿洲語謂

御製三韓訂謬

三韓

嘗讀後漢書三韓傳稱辰韓人兒生欲令頭扁皆押之以石訝其說之悖於理而肆為詭誕  
以惑世也夫以石押頭壯夫且不能堪而以施之初墮地之小兒實非人情所宜有間考三  
韓建國本末諸史率多抵牾以方位準之蓋在今奉天東北吉林一帶壤接朝鮮與我國朝  
始基之地相近國朝舊俗兒生數日即置臥具令兒仰寢其中久而腦骨自平頭形似扁斯  
乃習而自然無足為異辰韓或亦類是耳范蔚宗不得其故從而曲為之解甚矣其妄也且



如漢人生兒常令側臥久而左右角平頭形似狹蒙古人生兒以韋帶束之木板植立於地長則股形微箕此亦皆習而自然無足為異藉如蔚宗所言豈漢人蒙古亦皆以石押之令其頭狹而股箕乎若夫三韓命名史第列馬韓辰韓弁韓赫而而不詳所以稱韓之義陳壽魏志直云韓地韓王魚豢魏畧且以為朝鮮王準冒姓韓氏其為附會尤甚蓋國語及蒙古語皆為君長為汗韓與汗音相混史載三韓各數十國意當時必有三汗分統之史家既不知汗之為君而庸鄙者至譌韓為族姓何異扣柴荆籬以喻日哉且中外語言不通不能強為詮解者勢也今天昭昭在上人皆仰之然漢語謂之天國語謂之阿卜喀蒙古語謂之騰格哩西番語謂之那木喀回語謂之阿思滿以彼語此各不相曉而人之所以敬與天之所以感則無弗同若必一一以漢字牽附臆度之能乎不能夫韓與汗音似義殊謬而失之証猶可也至於以石押頭之謬實悖於理斯不可也然則余之三韓訂謬之作烏容已乎哉謹按三韓雖與漢時諸郡毗連然音譯多訛往往以漢字轉相附會於是異說分歧至范蔚宗有生兒以石押頭之論誕妄不經莫斯為甚矣恭讀

御製三韓訂謬以國語蒙古語證韓之當為汗而即漢人蒙古習俗之不同并推及

國俗生兒仰寢臥具見理之至常而無足怪審音知義曠若發蒙據事揆情瞭如指掌誠非歷代紀載家所能窺測也謹錄冠諸書之前以昭準則

漢

漢書朝鮮傳真番辰國欲上書見天子朝鮮雍關弗為通師古曰辰韓之國也

通典三韓後漢時通焉一曰馬韓二曰辰韓三曰弁辰晉梁并韓書馬韓在西有五十四國

其北與樂浪南與倭接辰韓在東十有二國其北與濊貊接弁辰在辰韓之南亦十有二

國其南亦與倭接凡七十八國百濟謂濊是其一國焉大者萬餘戶小者數千家各在山

海間地合方四千餘里東西以海為限皆古之辰國也馬韓最大其立其種為辰王都日

支魏志作月支通考作自支國盡王三韓之地其諸國王先皆是馬韓種人

後漢書馬韓邑落雜居無城郭辰韓耆老自言秦之亡人避苦役適韓國馬韓割東界地

與之或名之為秦韓有城柵屋室諸小別邑各有渠帥貿易以鐵為貨兒生欲其頭扁皆

押之以石弁辰與辰韓雜居城郭衣服皆同其人形皆長大美髮而刑罰嚴峻初朝鮮王

準為衛滿所破乃將其餘眾走入海攻馬韓破之自立為韓王準後滅絕馬韓人復自立

為辰王

魏畧朝鮮王準為衛滿所破走入海其子及親留在國者因冒姓韓氏準王海中不與朝

鮮相往來

魏畧初右渠朝鮮王衛滿之孫未破時朝鮮相歷谿卿以諫右渠不用東之辰國時民隨出居者

二千戶亦與朝鮮真番不相往來至王莽時廉斯鎬為辰韓右渠帥欲來降出其邑落見

一人其語非韓人問之曰我等漢人名戶來我等輩于五百人伐材木為韓所得積三年



矣辰鎬因將戶來出請樂浪郡令鎬乘大船入辰韓取戶來伴輩尙得千人其五百人  
已死辰韓曰我當出贖直耳乃出辰韓萬五千人弁韓布萬五千匹鎬收取直還郡  
册府元龜漢建武二十年韓國廉斯人蘇馬謚等詣樂浪貢獻帝封蘇馬謚爲廉斯邑君  
使屬樂浪郡四時朝謁

後漢書本紀建武二十年韓國人率眾詣樂浪內附

注辰韓上韓馬韓謂之三韓國也

通考靈帝末韓滅並盛郡縣不能制百姓苦亂多流亡入韓者獻帝建安中公孫康分屯  
有有鹽縣純有鹽兩縣漢遼東所屬以南荒地爲帶方郡遣公孫模張敞等收集遺民興兵伐韓滅  
舊民稍出是後韓遂屬帶方郡

三國

魏志韓在帶方之南東西以海爲限南與倭接方可四千里有三種一曰馬韓二曰辰韓  
三曰弁韓辰韓者古之辰國也馬韓在西其民土著各有長帥大者名臣智散在北海間  
無城郭凡五十餘國總十餘萬戶辰王治月支國魏景初中明帝密遣帶方太守劉昕樂  
浪太守鮮于嗣越海定二郡諸韓國臣智加賜邑君印綬其次與邑長部從事吳林以樂  
浪本統韓國分割辰韓八國以與樂浪吏譯轉有異同臣智激韓忿攻帶方郡崎離營時  
太守弓遵樂浪太守劉茂興兵伐之遵戰死二郡遂滅韓辰韓在馬韓東自言避秦役來  
適韓國今有名之爲秦韓者始有六國分爲十二國弁辰亦十二國又有諸小別邑各有

渠帥總四五萬戶其十二國屬辰王辰王常用馬韓人作之世世相繼土地肥美弁辰與  
辰韓雜居亦有城郭衣服居處與辰韓同其瀆盧國與倭接界十二國亦有王

晉

晉書馬韓居山海之間凡有小國五十六所武帝太康元年二年其王頻遣使貢方物七  
年八年十年又頻至太熙元年詣東夷校尉何龕上獻咸寧三年復來明年又請內附辰  
韓常用馬韓人作主雖世世相承而不得自立明其流移之人故爲馬韓所制也太康元  
年其王遣使獻方物二年復來朝貢七年又來

通考三韓自咸寧三年來貢明年又請內附其王來朝自後無聞蓋爲百濟新羅胡條所  
吞併

南北朝

梁書辰韓始有六國稍分爲十二新羅其一也馬韓有五十四國百濟其一也

唐

舊唐書百濟國爲馬韓故地

宋

宋史定安國本馬韓之種爲契丹所破其帥糾合餘眾保於西鄙建國改元自稱定安開  
寶三年其王烈萬華因女眞遣使入貢



遼

遼史地理志高州三韓縣辰韓為扶餘弁韓為新羅馬韓為高麗開泰中聖宗伐高麗取三國之遺人置縣

按三韓統名辰國自漢初已見後為新羅百濟所併其七十八國之名備載於魏志國名多繫以卑離二字如監奚卑離內卑離卑離如來卑離以滿洲語考之當為貝勒之轉音正猶汗之訛為韓而三汗之統諸貝勒於體制恰相符合也至馬韓亦作慕韓辰韓亦作秦韓弁韓亦作弁辰又作下韓尚書傳扶餘軒並稱正義謂軒即韓也當時賦以諧音並非漢語范蔚宗始稱為韓國韓人魏志遂有韓地韓王之目甚者至訛為韓氏又如弁韓在三韓中記載獨少考史記真番注謂番音普寒切遼東有番汗縣或即弁韓之轉音亦未可定或有以三韓為高麗者蓋因宋史高麗傳有崇寧後鑄三韓通寶之文又遼史外紀遼時常以三韓國公為高麗封號遂謂三韓之地盡入高麗不知高麗之境亦屬三韓所統當時假借用之未經深考耳至遼之三韓縣乃取高麗俘戶所置非其故壤也勿吉

南北朝

魏書勿吉在高麗北舊肅慎國也邑落各自有長不相總一其人勁悍常輕豆莫婁諸國延興中遣使乞力支朝獻太和初又貢馬五百匹自云其國先破高句麗十落密共百濟

謀從水道并力取高句麗來請其可否詔三國宜共和順勿相侵擾九年復遣使侯尼支朝獻十二年遣使貢楛矢方物十七年遣使婆非等五百餘人朝獻景明四年遣使侯力歸北使作侯力歸興和二年遣使石久云北使作石久等貢方物至於武定不絕

北史勿吉一曰靺鞨靺鞨後其部類凡七種其一號粟末部與高麗接勝兵數千多驍武其

一伯咄部在粟末北勝兵七千其三安車骨部在伯咄東北其四拂涅部在伯咄東其五號室部在拂涅東其六黑水部在安車西北其七白山部在粟末東南勝兵並不過三千而黑水部尤勁自拂涅以東矢皆石鏃即古肅慎氏也

冊府元龜魏孝文延興五年勿吉國遣使朝獻又太和二年十年並遣使朝貢十二年勿吉國貢楛矢石磐十七年遣使朝獻又宣武景明四年正始四年勿吉國貢楛矢又永平元年二年三年並遣使朝貢四年延昌元年貢楛矢延昌二年三月七月九月並朝獻四年孝明熙平二年貢楛矢神龜元年二年朝貢東魏孝靜帝天平三年興和二年三年武定二年四年五年北齊武平二年並遣使朝貢

隋

太平寰宇記隋初靺鞨國有使來獻謂即勿吉也

通考隋開皇初勿吉遣使貢獻文帝厚勞之其國與隋懸隔惟粟末白山為近

唐



舊唐書靺鞨蓋肅愼之地後魏謂之勿吉

太平寰宇記貞觀初汨咄安車骨人號室部高麗破後並歸渤海惟黑水部全盛分為十

六部落

通考拂涅亦稱大拂涅開元天寶間八來獻鮮睛貂鼠白兔

新唐書渤海本粟末部姓大氏

五代

五代史黑水靺鞨本號勿吉當後魏時竟中國蓋古肅愼氏之地也其眾分為數十部而

黑水最處其北尤勁其部族世次史皆失其紀

遼

遼史營衛志國外十部有長白山部

金

金史世紀景祖稍役屬諸部自白山之屬以至五國之長皆聽命

金史世紀勿吉古肅愼地也元魏時勿吉有七部太祖敗遼兵於境使梁福烏達喇舊作

刺招諭渤海人曰女真渤海本同一家皆勿吉之七部也

北盟錄女真所居之地東瀕海南接高麗西接渤海鐵離北近室韋三國所謂挹婁元魏

所謂勿吉是也

按勿吉始見於北魏亦謂之靺鞨故魏書為勿吉傳隋書為靺鞨傳而北史傳云勿吉一

名靺鞨其事則實為一國蓋南北音殊譯對互異併不得謂一國而二名也第自唐武德

以前則勿吉與靺鞨互稱武德以後則黑水一部獨強分為十六部始專稱靺鞨而粟末

部自萬歲通天以後改稱震國又稱渤海無復目為勿吉者矣今靺鞨渤海各具專條取

史傳之稱勿吉者繫屬於此至伯咄五代史太平寰宇記作汨咄拂涅寰宇記作拂涅按

洲語謂朋友曰固楚與汨咄音同謂羣處之羣曰佛靈與佛涅音同兩句相連即朋友之

意當時二部命名應取諸此而音字傳訛遂不畫一耳又按佛靈清文作或下一字尼

音二字合切漢字譯之考遼史地理志為紫蒙縣為興平軍為始平軍地粟末部以粟末

水得名即今之松阿哩江白山今長白山滿洲語謂之果勒敏珊延阿琳黑水今黑龍江

滿洲語謂之薩哈連烏拉詞異義同九信而可徵也至諸史咸稱七部中黑水尤勁扶輿

之氣鍾厚於茲益以徵我

國家出震方行霆驅電掃八旗勁旅有勇知方所由來者遠矣



欽定滿洲源流考卷二

部族三

百濟

伯離

漢

後漢書

二韓

見前凡七十八國伯濟是其一國焉

三國

三國志馬韓有伯濟國

晉

冊府元龜晉簡文帝咸安二年正月百濟遣使貢方物六月遣使拜百濟王餘句

按百濟

王餘句

王尉仇台之後故以夫餘為

姓諸史往往刪去夫字誤為鎮東將軍領樂浪太守孝武帝太元十一年以百濟世子

餘暉為鎮東將軍百濟王義熙十二年以百濟王映為使持節都督百濟諸軍事鎮東將

軍百濟王

通典晉義熙中以百濟王夫餘腆為使持節督百濟諸軍事

通考百濟即後漢末夫餘

見前

王仇台之後馬韓五十四國百濟是其一也初以百家濟

因號百濟後漸強大兼諸小國晉時句麗既畧有遼東百濟亦畧有遼西晉平

唐柳城北

自晉以後吞併諸國據有馬韓故地南接新羅詳後北拒高麗千餘里西限大海處小海



之南自晉代受藩爵自置百濟郡  
太平寰宇記百濟西限大海過海至越州處小海之南南到海即倭國晉代受藩爵自置  
百濟郡其人土著地多下濕率皆山居  
南北朝

宋書高麗傳高祖踐阼詔曰使持節督百濟諸軍事鎮東將軍百濟王映執義海外遠修  
貢職惟新告始宜荷國休可鎮東大將軍持節都督王公如故

宋書百濟國本與高麗俱在遼東之東千餘里其後高麗畧有遼東百濟畧有遼西百濟  
所治謂之晉平郡晉平縣義熙十二年以百濟王餘映為使持節都督百濟諸軍事鎮東

將軍百濟王高祖踐阼進號大將軍少帝景平二年映遣長史張威詣闕貢獻元嘉二年  
太祖詔之曰皇帝問使持節都督百濟諸軍事鎮東將軍百濟王累葉忠順越海效誠慕

義既彰厥懷亦歆浮桴驅水獻琛執費故嗣位方任以藩東服勉勗所莅無墜前蹤今遣  
兼謁者閻丘恩子兼副謁者丁敬子等宣旨慰勞稱朕意其後每歲遣使奉表獻方物七

年百濟王餘毗復修職貢以映爵號授之二十七年毗上書獻方物私假臺使馮野夫西  
河太守表求易林占式腰弩太祖並與之毗死子慶代立世祖大明元年遣使求除授詔

許之二年慶遣使上表曰臣國累葉偏受殊恩文武良輔世蒙朝爵行冠軍將軍右賢王  
餘紀等十一人忠勤宜在顯進伏願垂愍並聽賜除仍以行冠軍將軍右賢王餘紀為冠

軍將軍以行征虜將軍左賢王餘昆行征虜將軍餘暈並為征虜將軍以行輔國將軍餘  
都餘父並為輔國將軍以行龍驤將軍沐矜餘爵並為龍驤將軍以行甯朔將軍餘流糜

貴並為甯朔將軍以行建武將軍于西餘婁並為建武將軍太宗泰始七年又遣使貢獻  
齊書武帝永明八年百濟王牟大上表曰甯朔將軍臣姐瑾等四人振竭忠効攘除國難

志勇果毅等威名將論功料勳宜在甄顯今依例輒假行職伏願恩愍聽除所假甯朔將  
軍面中王姐瑾歷贊時務武功並列今假行冠軍將軍都將軍都漢王建威將軍八中侯

餘古弱冠輔佐忠効夙著今假行甯朔將軍阿錯王建威將軍餘恩忠款有素文武列顯  
今假行龍驤將軍邁盧王廣武將軍餘固忠効時務尤宣國政今假行建威將軍弗斯侯

又表曰臣所遣行建威將軍廣陽太守兼長史臣高達行建威將軍朝鮮太守兼司馬臣  
楊茂行宣威將軍兼參軍臣會邁等三人志行清亮忠款夙著往太始中比使宋朝今任

臣使冒涉波險宜在建爵謹依例各假行職伏願除正建邊効夙著勳勞公務今假行龍  
驤將軍帶方太守茂志行清壹公務不廢今假行建威將軍廣陵太守邁舊作萬今改執志

周密屢致勤効今假行廣武將軍清河太守詔可並賜軍號除大為使持節都督百濟諸  
軍事鎮東大將軍使謁者僕射孫副策命大襲其祖父梁書牟都爵為百濟王是歲魏人

又發騎數十萬攻百濟入其界牟大遣將沙法名贊首流解禮昆木干那率眾襲擊魏軍  
大破之建武二年遣使上表曰去庚午年按庚午為齊武帝永明八年獫狁弗悅舉兵深逼臣遣沙法



名等領軍逆討宵襲震擊奔追斬僵尸丹野今邦字甯謚實名等之畧今假沙法名行  
 征虜將軍邁羅王贊首流為行安國將軍辟中王解禮昆為行武威將軍弗中侯木干那  
 前有軍功又拔臺舫為行廣威將軍面中侯伏願天恩特愍聽除又表曰臣所遣行龍驤  
 將軍樂浪太守兼長史臣慕遣行建武將軍城陽太守兼司馬臣王茂兼參軍行振武將  
 軍朝鮮太守臣張塞行揚武將軍臣陳明在官忘私蹈難弗顧今任臣使冒涉波險各假  
 行爵伏願特賜除正詔可並賜軍號案此所載百濟人地名有與滿洲語相近者若年大  
 敦切磋之礎也弗中當為法殊樹也又如沙氏解氏木氏皆百濟大族其名  
 如首流當為衙魯珊也干那當為嚕納往取也時代雖遙尚有可通者耳

梁書馬韓有五十四國百濟其一後漸強大兼諸小國其國本在遼東之東晉世據有遼  
 西晉平二郡自置百濟郡晉太元中王須義熙中王餘映宋元嘉中王餘毗並遣獻生口  
 餘毗死子慶立慶死子牟都立都死子牟太齊書立齊永明中除大都督百濟諸軍事鎮  
 東大將軍百濟王天監元年進太號征東將軍尋為高句驪所破衰弱者累年遷居南韓  
按并韓在辰韓之地普通二年王餘隆始復遣使奉表稱累破高句驪今始得通好而百濟  
 南故史稱為南韓地普通二年王餘隆始復遣使奉表稱累破高麗今始與通好五年隆死復以  
 更為強國其年詔加甯東大將軍五年隆死復以其子明為綏東將軍百濟王號所治城  
 曰固麻中大通六年大同七年累遣使獻方物并請涅槃等經義毛詩博士并工匠畫師  
 等勅並給之太清三年猶遣使貢獻  
 南史馬韓五十四國百濟其一也後漸強大兼諸小國其國本與句驪俱在遼東之東于

餘里晉世據有遼西晉平二郡地自置百濟郡晉義熙十二年以餘映為王宋元嘉七年  
 百濟王餘毗復修貢職以映爵號授之毗死子慶代立慶死立子牟都牟都死立子牟大  
 齊永明中除大都督百濟諸軍事鎮東大將軍百濟王梁天監中為高麗所破衰弱累年  
 遷居南韓地普通二年王餘隆始復遣使奉表稱累破高麗今始與通好五年隆死復以  
 其子明為持節督百濟諸軍事綏東將軍百濟王其人形長太清三年遣使貢獻及至見  
 城闕荒毀並號慟涕泣侯景怒囚執之景平乃得還國

冊府元龜宋高祖永初元年餘映進號鎮東大將軍文帝元嘉七年十七年二十年二十  
 七年並遣使獻方物孝武大明元年七年並遣使朝貢順帝昇明二年王牟都遣使貢獻  
 詔授使持節都督百濟軍事鎮東大將軍齊武帝永明八年遣謁者僕射孫副策命牟太  
 為百濟王曰於戲惟爾世襲忠勤誠著遐表海路肅澄要貢無替式循筮典用纂顯命敬  
 膺休業可不慎歟梁普通二年詔加餘隆甯東大將軍詔曰守藩海外遠修貢職乃誠欵  
 到朕有嘉焉宜率舊章服茲榮命三年遣使獻方物五年以餘隆子明為綏東將軍百濟  
 王陳文帝天嘉三年以百濟王餘明為撫東大將軍臨海王光大元年宣帝太建九年後  
 主至德二年四年並遣使入朝

魏書百濟國其先出自夫餘其民土著地多下濕率皆山居延興二年其王餘慶始遣使  
 上表曰臣建國東極豺狼隔路雖世承靈化莫由奉藩瞻望雲關馳情罔極涼風微應伏



惟陛下協和天休不勝係仰之情謹遣私署冠軍將軍駙馬都尉弗斯侯長史餘禮龍驤  
將軍帶方太守司馬張茂等投舫波阻搜徑元津託命自然之運遣進萬一之誠冀神祇  
垂感皇靈洪覆克達天庭宣暢臣志雖巨聞夕沒永無餘恨又云臣與高句麗源出夫餘  
先世之時篤崇舊款其祖釗輕廢隣好親率士衆陵踐臣境臣祖須整旅電邁應機馳擊  
矢石暫交梟斬釗首自爾以來莫敢南顧自馮氏數終餘燼奔竄醜類漸盛遂見陵逼搆  
怨連禍三十餘載財殫力竭轉自屠敗若天怒曲矜遠及無外速遣一將來救臣國又云  
今連有罪國自魚肉大臣強族殺戮無已其滅亡之期假手之秋也且馮族士馬有烏畜  
之戀樂浪諸郡懷首丘之心天威一舉有征無戰臣雖不敏志效畢力當率所統承風響  
應且高麗不義逆詐非一外慕隗囂藩罕之辭內懷兇禍承突之行或南通劉氏或北約  
蠕蠕共相唇齒謀陵王畧今若不取將貽後悔去庚辰年後臣西界小石山北國海中見  
屍十餘并得衣器鞍勒視之非高麗之物後聞乃是王人來降臣國長蛇隔路以沈於海  
雖未委當深懷憤恚陛下合氣天地勢傾山海豈令小豎露塞天遠今上所得鞍一以爲  
實驗顯祖以其僻遠冒險朝獻禮遇優厚遣使者邵安與其使俱還詔曰卿處五服之外  
不遠山海歸誠魏闕欣嘉至意用載於懷卿與高麗不睦屢致陵犯苟能順義守之以仁  
亦何憂於寇讎也前所遣使浮海以撫荒外之國積年不返達否未能審悉卿所送鞍比  
校舊乘非中國之物不可以疑似之事以生必然之過經畧權要已具別旨又詔曰知高

麗阻強侵軼卿土修先君之舊怨棄息民之大德兵交累代難結荒邊使兼申胥之誠國  
有楚越之急乃應展義扶微乘機電舉但以高麗稱藩先朝供職日入於彼雖有自昔之  
讐於國未有犯令之愆卿使命始通便求致伐討尋事會理亦未周故往年遣禮等至平  
壤欲驗其由狀然高麗奏請頻煩辭理俱諂行人不能抑其請司法無以成其責故聽其  
所啟詔禮等還若今復違旨則過咎益露後雖自陳無所逃罪然後興師討之於義爲得  
所獻錦布海物雖不悉達明卿至心今賜雜物如別又詔璉護送安等安等至高句麗璉  
稱昔與餘慶有讐不令東過安等於是皆還乃下詔切責之五年使安等從東萊浮海賜  
餘慶璉書褒其誠節安等至海濱遇風飄蕩竟不達而還

魏書高麗傳高麗王釗烈帝時與慕容氏相攻建國四年慕容元真伐之釗單騎奔竄後

爲百濟所殺按烈帝爲道武帝之伯祖隨書以昭涉羅國爲百濟所并

魏書勿吉傳勿吉先破高句麗十落密共百濟謀從水道并力取高句麗勿吉國另修見前

地 太平寰宇記百濟國後魏孝文帝遣衆征破之後其王牟大爲高句麗所破遷居南韓舊

後周書百濟者馬韓之屬國夫餘之別種有仇台者始國於帶方其地界東極新羅北接  
高句麗西南俱限大海王姓夫餘氏自晉宋齊梁據江左後魏宅中原並遣使稱藩兼受  
封拜齊氏擅東夏其王隆亦通使焉隆子昌建德六年遣使獻方物宣政元年又遣使來



獻

北史百濟夫餘王東明之後詳見前有仇台者為於仁信始立國於帶方故地漢遼東太

守公孫度以女妻之遂為強國初以百家濟因號百濟王姓餘氏按後周書作夫餘氏其

都曰居拔城亦曰固麻城其外更有五方方有十郡其人兼有新羅高麗倭等亦有中國

人有僧尼多寺塔而無道士有鼓角筚篥筚篥之樂行宋元嘉厯以建寅月為歲首

國中大姓有八族原脫八字今據隋書增沙氏燕氏勃通考作勃氏解氏真隋書新唐書俱作貞氏國民氏木氏

苗新唐書作苗通考苗作苗注云音白氏齊武平元年齊後主以餘昌為使持節侍中車騎大將軍帶方郡

公百濟王如故二年又以餘昌為持節都督東青州諸軍事東青州刺史周建德六年齊

滅餘昌始遣使通周宣政元年又遣使來獻

隋

隋書百濟夫餘王東明之後開皇初其王餘昌遣使貢方物拜昌為上開府帶方郡公百

濟王平陳之歲有一戰船漂至海東躬牟羅國其船得還經於百濟昌資送之甚厚并遣

使奉表賀平陳高祖善之下詔曰百濟往復至難若逢風浪便致傷損百濟王心迹清至

朕已委知相去雖遠事同言面何必數遣使來自今以後不須年別入貢朕亦不遣使往

王宜知之開皇十八年北史作八年昌使其長史王辯那來獻方物屬與遼東之役遣使請為

軍導帝下詔曰往歲為高麗不供職貢無人臣禮故命將討之高元君臣畏服歸罪朕已

赦之不可致伐厚其使而遣之高麗頗知其事以兵侵掠其境昌死子餘宣立餘宣死子

餘璋立大業三年璋遣使者燕文進朝貢其年又遣使王孝隣入獻請討高麗煬帝許之

令覘高麗動靜然璋內與高麗通和七年帝親征高麗璋使其臣國智牟來請軍期帝大

悅厚加賞錫遣尚書起部郎席律詣百濟與相知明年六軍度遼璋亦嚴兵於境聲言助

軍尋與新羅有隙每相戰爭十年復遣使朝貢後天下亂使命遂絕其南海行三月有舁

唐

舊唐書百濟地在京師東六千二百里東北至新羅西渡海至越州南渡海至倭國北渡

海至高麗其王所居有東西兩城又外置六帶方管十郡其用法叛逆者死籍沒其家殺

人者以奴婢三贖罪官人受財及盜三倍追贓仍終身禁錮武德四年其王夫餘璋遣使

獻果下馬七年又遣大臣奉表朝貢高祖遣使冊為帶方郡王百濟王自是歲遣朝貢高

祖撫勞甚厚因訟高麗閉其道路不許來通中國詔遣朱子奢往和之又與新羅世為讐

敵數相侵伐貞觀元年賜璽書曰王世為君長撫有東蕃海隅遐曠風濤艱阻忠款之至

職貢相尋尚想徽猷甚以嘉慰新羅王金真平王之隣國每聞遣師征討不息阻兵安忍

殊乖所望朕已對王姪福信及高麗新羅使人具勅通和咸許輯睦王必須忘彼前怨識

朕本懷共篤隣情即停兵革璋因遣使陳謝實相仇如故十一年遣使獻鐵甲雕斧賜綵



帛三千段并錦袍等十五年璋卒其子義慈告哀太宗素服哭之贈光祿大夫賻物二百段遣使冊義慈為柱國帶方郡王百濟王十六年義慈與兵伐新羅取四十餘城發兵以守之與高麗通好謀取党項新唐書作城以絕新羅入朝之路新羅遣使告急請救太宗遣司農丞相里元獎齋書告諭及太宗親征高麗百濟乘虛襲破新羅十城新唐書作二十二年又破其十餘城數年之中朝貢遂絕高宗永徽二年始又遣使朝貢使還降璽書於義慈曰海東三國開基自久地實太子近代已來遂構嫌隙戰爭交起朕代天理物載深矜憫去歲新羅使金法敏奏書乞詔百濟令歸所侵之城若不奉詔即自興兵打取但得故地即請交和朕以其言既順不可不許王所兼新羅之城並宜還其本國王若不從朕已依法敏所請任其決戰亦令約束高麗不許救恤高麗若不從命即令契丹諸蕃渡遠直入抄掠王可深思朕言自求多福六年新羅王金春秋又表稱百濟與高麗鞮鞞侵其北界已沒三十餘城顯慶五年命左衛大將軍蘇定方統兵討之大破其國據義慈及太子隆小王孝演等五十八人送京師命右衛郎將王文度為熊津都督總兵以鎮之義慈事親以孝行聞友于兄弟時人號海東曾閔及至京數日而卒贈金紫光祿大夫衛尉卿文度濟海而卒百濟僧道琛舊將福信按新唐書福信為率眾據周留城遣使往倭國迎故王子夫餘豐立為王其西部北部並翻城應之時郎將劉仁願留鎮於百濟府城道琛等引兵圍之帶方州刺史劉仁軌代文度統眾便道發新羅兵以救仁願轉關而前所向

皆下道琛於熊津江口立兩柵以拒官軍仁軌與新羅兵四面夾擊之退走入柵阻水橋狹墮水及戰死萬餘人道琛等乃釋仁願之圍退保任存城按新唐書新羅兵以糧盡引還時龍朔元年三月也於是道琛自稱領軍將軍福信自稱霜岑將軍使告仁軌日間唐與新羅約誓百濟無問老少一切殺之然後以國付新羅與其受死豈若戰亡所以聚結自守耳仁軌作書具陳禍福遣使諭之道琛置仁軌之使於外館傳語謂曰使人官職小我一國大將不合自參不答書遣之尋而福信殺道琛并其眾夫餘豐但主祭而已二年七月仁願仁軌率留鎮之兵大破福信餘眾於熊津之東福信等以真峴城臨江高險又當衝要加兵守之仁軌引新羅兵乘夜薄城四面攀堞而上比明而入據其城遂通新羅運糧之路仁願奏請益兵新唐書發淄青萊海之兵七千人遣左威衛將軍孫仁師統眾浮海赴熊津以益之時福信既專其兵權與夫餘豐漸相猜貳稱疾臥於窟室將俟夫餘豐問疾謀襲殺之夫餘豐覺而率其親信掩殺福信又遣使往高麗及倭國請兵以拒官軍孫仁師中路迎擊破之遂與仁願之眾相合兵士大振於是仁師仁願及新羅王金法敏帥陸軍進劉仁軌及別帥杜夷夫餘隆率水軍及糧船自熊津江往白江以會陸軍同趨周留城仁軌遇夫餘豐之眾於白江之口四戰皆捷焚其舟四百艘豐脫身而走王子夫餘忠勝忠志等率士女及倭眾並降百濟諸城皆復歸仁師等振旅還詔劉仁軌代仁願率兵鎮守乃授夫餘隆熊津都督遣還本國共新羅和親以招輯餘眾麟德二年八

仁願率兵鎮守乃授夫餘隆熊津都督遣還本國共新羅和親以招輯餘眾麟德二年八



月隆到熊津城與新羅王金法敏刑白馬而盟先祀神祇及川谷之神而後歃血藏其盟書於新羅之廟仁願仁軌等既還隆懼新羅尋歸京師儀鳳二年拜光祿大夫太常員外卿兼熊津都督帶方郡王令歸本蕃安輯餘衆時百濟本地荒毀漸為新羅所據隆竟不敢還舊國而卒其孫敬則天朝龍封帶方郡王授衛尉卿其地自此為新羅及渤海鞬鞞所分百濟遂絕

絕也

被周留賊破夫餘豐腴而走通考亦言豐走不知所至後唐清泰三年百濟國復遣使來蓋其支裔其保海濱仍稱百濟雖故地已失而世祀

新唐書顯慶五年詔蘇定方為神丘道行軍大總管率左衛將軍劉伯英右武衛將軍馮士貴左驍衛將軍龐孝泰發新羅兵伐百濟自成山濟海百濟守熊津口定方擊敗之乘潮以進趨真都城復破之拔其城義慈扶太子隆走北鄙定方圍之次于泰自立為王率衆固守義慈孫文思曰王太子固在救乃自王若唐兵解去如我父子何與左右縋而出民皆從之泰不能止定方令士超堞立幟秦開門降定方執義慈隆等送京師平其國析置熊津馬韓東明金漣按地理志作遠太德安五都督府按地理志云又置帶擢渠長治之命劉仁願守百濟城義慈卒授隆司稼卿

唐會要百濟本夫餘之別種當馬韓之故地其後有仇台者為高麗所破以百家濟因號百濟東北至新羅册府元龜唐武德七年封百濟王夫餘璋為帶方郡王七年九月遣使獻光明甲貞觀十

一年璋遣太子隆來朝並獻鐵甲雕斧十二年獻金甲雕斧十五年詔曰故柱國帶方郡王百濟王夫餘璋棧山航海遠稟正朔獻琛奉賚克固始終宜加常數式表哀榮可贈光祿大夫令其嫡子義慈嗣位使祠部郎中鄭文表備禮册命十九年正月百濟太子夫餘康信貢方物百濟自武德四年至永徽三年朝貢不絕顯慶五年蘇定方既濟熊津口乘山而陣與之大戰揚帆蓋海相續而至敵兵大潰官軍連舳入江水陸並進直趨真都去城二十餘里復傾國來拒大戰破之追奔入郭義慈及太子隆走北境其大將彌植將義慈來降及諸城主亦俱送款龍朔三年百濟西部人黑齒常之來降常之長七尺餘驍勇有謀畧按唐書列傳常之為百濟邊帥蘇定方平百濟時常之糾合連亡依任存山自固定方攻之不克常之遂復二百餘城高宗遣使招諭乃詣劉仁軌隆授左領軍將軍

通考百濟王夫餘映子餘毗餘毗子慶慶子牟都牟都子牟大每王立必遣使詣江南請命俱授以鎮東大將軍都督百濟諸軍事亦遣使稱藩奉貢於魏尋為高麗所破衰弱累年梁時王餘隆累破高麗隆卒子明嗣北齊時亦通使焉齊亡遣使通周隋時其王餘昌立餘昌卒子餘璋立隋亂貢使遂絕唐武德四年璋始通使自是數朝貢且訟高麗梗道貞觀初詔使平其怨璋卒子義慈立義慈事親孝與兄弟友時號海東曾子明年與高麗連和取新羅四十餘城聞帝討高麗又取新羅七城久之又奪十餘城因不朝貢永徽六年復與高麗取新羅三十餘城顯慶五年蘇定方平其國璋從子福信等立故王子夫餘



豐龍朔二年劉仁願等復破之豐走不知所帝以夫餘隆為熊津都督俾歸國平新羅故憾招還遣人麟德二年與新羅王會熊津城刑白馬以盟辭曰往百濟先王侵削新羅破邑屠城天子憐百姓無辜命行人修好先王賁險恃遠皇赫斯怒是伐是夷立前太子隆為熊津都督守其祭祀附仗新羅長為與國結好除怨永為藩服右威衛將軍管城縣公仁願親臨厥盟有貳其德明神監之乃作金書鐵券藏新羅廟中仁願等遺隆畏眾擄散亦歸京師儀鳳時進帶方郡王遣歸藩是時新羅強隆不敢入舊國寄治高麗卒武后

又以其孫敬襲王而其地已為新羅渤海靺鞨所分百濟遂絕

太平寰宇記百濟舊有五部分統二十七郡二百城七十六萬戶顯慶五年以其地分置熊津馬韓東明金蓮德安五都督府至麟德三年其舊地沒於新羅城傍餘眾後漸寡弱散投突厥及靺鞨其王夫餘崇新羅書俱作廢竟不敢歸舊國土地盡入於新羅靺鞨

五代

五代史後唐清泰三年正月百濟國遣使貢方物冊府元龜同

宋

通考高麗以百濟為金州金馬郡號南京按此乃百濟東南邊境其全部始屬新羅後歸渤海及契丹非高麗所能有也

元

元史世祖至元四年正月百濟遣其臣梁浩來朝賜以錦繡有差

謹按百濟自後漢時已見史傳歷晉迄唐使命歲通王本夫餘王仇台之後以夫餘為氏舊國屬馬韓晉代以後盡得馬韓故地兼有遠西晉平二郡自置百濟郡宋書言所治謂之晉平郡晉平縣都城號居拔城則百濟郡即晉平而居拔城即晉平城也馬端臨謂晉平在唐柳城北平之間實今錦州甯遠廣甯之境一統志謂居拔城在今朝鮮境內者殆梁天監時遷居南韓之城歟普通以後累破高麗斬其王釗更為強國號所治城曰固麻北史謂居拔城即固麻城以滿洲語考之固麻為格們之轉音唐書云王居有東西兩城則居拔即滿洲語之卓巴兩城皆王都故均以格們稱之其曰建居拔者建字乃漢文通考連三字為城名誤也通考又云南接新羅唐會要云東北至新羅考百濟之境西北自今廣甯錦義南跨海蓋東南極朝鮮之黃海忠清全羅諸道東西狹而南北長故自柳城北平計之則新羅在其東南而自慶尚熊津計之則新羅在其東北又魏時與勿吉謀併力取高麗則東北亦隣勿吉矣唐初復取新羅六七十城其界益廣蘇定方浮海濟師故自熊津北趨其國熊津即漢江在朝鮮國城南十里則今朝鮮國城亦百濟之南界也其後夫餘隆畏新羅不敢歸國故地為新羅渤海靺鞨所分夫餘豐脫身而走不知所往而後唐時有百濟遣使入貢之文至元初猶通朝使是其支庶保守海隅仍用舊號國祚猶存唐書云百濟遂絕者非也又北史云國有五方方管十郡舊唐書云六方各管十郡則為郡且五六十而定方所得僅三十七郡未得者尚五分之二此必餘眾所保第為渤海



契丹所隔故不復相聞耳若其聲明文物之盛與新羅埒史言俗重騎射兼愛墳史信矣其國內衆建侯王以酬勲懿自宋齊時已然則又地廣民稠之驗也

欽定滿洲源流考卷三

欽定滿洲源流考卷四

部族四

新羅一作斯盧一作雞林附

三國

三國志魏志辰韓貊十二國有斯盧國

通典新羅國魏時新盧國其先本辰韓辰韓始有六國稍分為十二新羅其一也魏將毋

丘儉討高麗破之高麗王奔沃沮其後復歸故國留者遂為新羅焉沃沮見後條

通考新羅國在百濟東南五百餘里亦在百濟東南兼有沃沮之地初曰新盧或曰新羅東濱大海

魏毋丘儉破高麗奔沃沮其後復歸故國留者遂為新羅故其人雜有華夏高麗百濟之

屬兼有沃沮不耐韓濊之地其王本百濟人自海入新羅遂王其國

晉

前秦錄新羅在百濟東苻堅建元十六年苻浴反遣使徵兵於百濟新羅等國並不從

秦書苻堅建元十八年新羅國王樓寒察蒙古語謂龍曰樓寒字當即汗音之訛也遣使朝獻

通志新羅國在百濟東南五百餘里東濱大海其王本百濟人自海入新羅遂王其地其

國初附屬于百濟後因百濟伐高麗人不堪戎役相率歸之遂致強盛因襲伽羅任那諸

國滅之其西北界出高麗之間先是其國小不能自通苻堅時其王樓寒遣使衛頭朝貢



堅曰卿言海東之事與古不同何也對曰亦猶中國時代變革名號改易今焉得同

南北朝

宋書元嘉二年倭國遣使自稱使持節都督倭百濟新羅任那秦韓慕韓六國諸軍事

宋書無新羅傳其名但見于倭國傳中南齊書同

通志新羅魏時新盧國也宋時曰新羅或曰斯羅

梁書新羅者其先本辰韓也辰韓亦曰秦韓相去萬里傳言秦人避役來適馬韓

韓割其東界居之辰韓並有六國稍分為十二新羅其一也其國在百濟東南東濱大海

南北與句驪百濟接魏時曰新盧末時曰新羅或曰斯羅南史國小不能自通使聘普通

二年王名慕秦案南史通志太平御覽皆作慕秦通考引梁史亦同且云未詳易姓

慕秦二字當為之由新羅金姓相承已久不應于梁時忽稱姓慕考中國人本稱秦人此書誤非姓名也始使使隨百濟奉方物

陳書本紀廢帝光大二年六月新羅國遣使獻方物宣帝太建二年六月三年五月十年

七月並遣使獻方物

南史新羅在百濟東南五十餘里其地東濱大海南北與句驪百濟接

冊府元龜北齊河清四年詔以新羅國王金真眞為使持節領東夷校尉樂浪郡公新羅

王自河清三年至武平四年並遣使朝貢

北史百濟居漢時樂浪地或稱魏將毋丘儉討高麗破之奔沃沮其後復歸故國有留者

遂為新羅亦曰斯盧其王本百濟人自海入新羅初附庸于百濟百濟征高麗不堪戎役民相率歸之遂強盛傳世三十至真平

隋

隋書新羅或稱斯羅其國傳祚至金真平開皇十四年遣使貢方物高祖拜真平為上開

府樂浪郡公新羅王大業已來歲遣朝貢地多山險雖與百濟構隙百濟亦不能圖之

隋東蕃風土記新羅金姓相承三十餘葉至今亦姓金

通考隋文帝時其王姓金名真平襲加羅任那諸國滅之並三韓之地其西北界大牙出高麗

百濟之間地多山險王姓金貴人姓朴民無氏有名初百濟伐高麗求請救悉兵往破之

自是相攻不置後獲百濟王殺之結怨深

唐

舊唐書新羅弁韓之苗裔也在漢時樂浪之地有城邑村落王所居曰金城周七八里衛

兵三千人設獅子隊武德四年王金真平遣使朝貢高祖親勞問之遣通直散騎侍郎庾

文素往使焉賜以璽書及畫屏風錦綵三百段自此朝貢不絕國人多金朴兩姓異姓不

為婚高祖既聞海東三國舊結怨隙遞相攻伐乃問其使為怨所由對曰先是百濟往伐

高麗詣新羅請救新羅發兵大破百濟國因此為怨每相攻伐新羅得百濟王殺之怨由

此始七年遣使冊拜金真平為柱國封樂浪郡王新羅王貞觀五年卒無子立其女善德



為王宗室大臣之祭據蒙語謂金部之長總知國政詔贈真平左光祿大夫九年遣使冊命善德為王十七年遣使上言高麗百濟累相攻襲亡失數十城乞偏師救助太宗遣相里元獎齋璽書賜高麗不聽太宗將親伐高麗詔新羅募集士馬應接大軍新羅遣大臣領兵五萬人入高麗南界攻水口城降之二十一年善德卒贈光祿大夫餘官封並如故立其妹真德為王二十二年真德遣其弟國相伊贊子金春秋案用會要以春及其子秋為真德子誤文正案新書來朝詔授春秋為特進文正為左武衛將軍春秋請詣國學觀釋奠及講論文正太宗因賜以所制溫湯及晉祠碑并新撰晉書將歸國命三品以上宴餞之永徽元年真德大破百濟之眾遣其弟法敏以聞案下文云春秋卒以其子法敏嗣此處帝嘉之拜法敏為太子敏為太府卿五千真德卒詔以春秋嗣立為王加授開府儀同三司樂浪郡王六年百濟與高麗靺鞨羣兵侵其北界攻陷三十餘城春秋上表求救顯慶五年命蘇定方為熊津道大總管統水陸十萬仍令春秋為熊津道行軍總管與定方討平百濟自是新羅漸有高麗百濟之地其界益大龍朔元年春秋卒詔其子太府卿法敏嗣位為開府儀同三司上柱國樂浪郡王新羅王三年詔以其國為雜林州都督府案雜林與今吉林音譯地理高麗之地北與靺鞨隣故設都督府符是時新羅既兼有百濟授法敏為雜林州都督法敏以開耀元年卒其子政明嗣位垂拱二年遣使來朝天授三年案開府元龜作長壽二年政明卒立其子理洪為王仍令襲父輔國大將軍行豹韜衛大將軍雜林州都督理洪以長安二年卒輟朝一日立其弟興光為

王仍襲兄將軍都督之號案魏宋以後每以雜林稱高麗元時亦以雜林郡為高麗

蓋而新羅偏安南境又為高麗所併故高麗亦襲是稱雖地非其舊而名仍沿之耳興光本名與太宗同先天中則天改焉案唐會要興光本名崇基是則明皇名同非太宗也又先天為明皇初即位改元之號其非則天所改益明蓋舊唐書記載之誤耳開元二十一年渤海靺鞨越海

入登州時靺鞨先族人金思蘭光因入朝留京師至是拜為太僕員外卿令歸國發兵以伐靺鞨仍加授興光甯海軍使二十五年興光卒贈太子太保仍遣左贊善大夫邢壽往弔

祭并冊立其子承慶上謂壽曰新羅號為君子之國卿到彼宜闡揚經典使知儒教之盛又聞其人多善奕碁因令善碁人李府兵曹楊季鷹為壽之副天寶二年承慶卒詔遣贊

善大夫魏曜往弔祭之冊立其弟憲英為王大曆二年憲英卒國人立其弟乾運為王遣其大臣金隱居奉表入朝請加冊命三年遣使冊立仍冊乾運母為太妃建中四年乾運

卒無子國人立其上相金長相為王貞元元年授長相檢校太尉都督雜林州刺史寧海軍使新羅王其年卒立上相金敬信為王敬信即從兄弟也案敬信即從兄弟句詞意未

從耳十四年敬信卒其子先亡國人立敬信嫡孫俊邕十六年遣司封郎中基丹持節冊命至鄂州聞俊邕卒丹遣承貞元年遣兵部郎中元季方冊俊邕子重興案冊元為王

案冊元端云并冊其母和氏為太妃妻和氏為地元和三年新羅使人金方奇上言前貞元十六年奉詔冊臣故

主金俊邕為王母申氏為太妃妻叔氏為王妃冊使韋丹至中路知俊邕薨其冊却迴在

中書省今臣還國請授臣以歸救鴻臚寺于中書省領受至寺宣授與方奇令奉歸國七

改定滿州原流考

卷四 部族

三



年重興卒立其相金彥昇為王授彥昇開府儀同三司檢校太尉持節大都督雞林州諸軍事寧海軍使上柱國新羅王妻貞氏冊為妃命職方員外郎崔廷持節弔祭冊立以其實子金士信副之太和五年彥昇卒以嗣子金景徽為開府儀同三司檢校太尉使持節大都督雞林州諸軍事充寧海軍使新羅王母朴氏為太妃妻朴氏案冊元貞氏為妃命太子左諭德源寂持節弔祭冊立

新唐書新羅國東距長人東南日本西百濟南瀕海北高麗而王居金城長人者人類長三丈或搏人以食其國連山數十里有峽固以鐵圍號關門新羅常屯弩士數千守之貞觀二年獻女樂二太宗曰比林邑獻鸚鵡尚思鄉巧還况於人乎付使者歸之王金真平無子立女善德為王國人號聖祖皇姑二十一年其妹真德襲王明年遣子文王及弟伊贊子春秋來朝拜文王左武衛將軍春秋特進因請改章服從中國制內出珍服賜之龍朔三年詔以其國為雞林州大都督府授其王法敏都督咸亨五年納高麗新羅百濟地守之詔削法敏官爵以其弟右驍衛大將軍臨海郡公仁問為新羅王自京師歸國詔劉仁軌為雞林道大總管發兵窮討法敏遣使入朝謝仁問乃還辭王詔復法敏官爵然多取百濟地遂抵高麗南境矣按唐會要言蓋有百濟之地及高麗南境蓋高麗北境已濟而始抵高麗之南也新書誤會及開元中王金興光數入朝帝賜興光瑞文錦五色羅字之意與高麗傳不合謹詳訂于後開元中王金興光數入朝帝賜興光瑞文錦五色羅紫繡紋袍金銀精器興光亦上異狗馬黃金美鬘諸物初渤海靺鞨入登州興光擊走之

進興光寧海軍大使使攻靺鞨二十五年冊其子承慶為王承慶妻朴氏為妃卒弟憲贊嗣王帝在蜀遣使泝江至成都朝正月大厯初其子乾運立甫州會其宰相爭權相攻國大亂三歲乃定建中元年卒無子國人共立宰相金長相貞元元年遣戶部郎中蓋瑱持節冊命之永貞三年使臣金力奇為其宰相金彥昇金仲恭王弟蘇金添明馬門戰詔皆可凡再朝貢七年彥昇立長慶寶曆間再遣使者來朝留宿衛開成五年鴻臚寺籍實子及學生歲滿者一百五人皆還之有張保皋鄭年者皆善戰工用槍年復能沒海履其地五十里不噓角其勇健保皋不及也年以兄呼保皋保皋以齒年以藝常不相下自其國皆來為武寧軍小將後保皋歸新羅謁其王曰遍中國以新羅人為奴婢願得鎮清海使賊不得掠人西去清海海路之要也王與保皋萬人守之自太和後海上無警新羅人者保皋既貴于其國年饑寒客連水一日謂戌主馮元規曰我欲東歸乞食于保皋元規曰若與保皋所負何如奈何取死其手年曰饑寒死不如兵死快遂去謁保皋飲之極歡飲未卒聞大臣殺其王國亂無主保皋分兵五千人與年持年泣曰非子不能平禍難年至其國誅反者立王以報王遂名保皋為相以年代守清海會昌後朝直不復至

唐會要新羅者本弁韓之地其先出高麗魏破高麗其眾保沃沮後歸故國其留者號新羅國多金朴兩姓異姓不為婚永徽元年王金真德太破百濟遣使金法敏來朝五年真德卒高宗為舉哀于永光門使太常丞張文收弔祭之贈開府儀同三司仍賜綾綵三百



段詔以其子春秋嗣位顯慶元年二月又破百濟兵使來告捷龍朔元年春秋卒子法敏  
 嗣位三年四月詔新羅置雞林大都督仍授法敏雞林州大都督麟德二年八月法敏與  
 熊津都督夫餘隆盟于百濟之熊津城于是帶方州刺史劉仁軌領新羅百濟僭羅倭人  
 四國使浮海西還以赴泰山之下上元元年紫新唐書作咸亨五年與此異二月新羅王金法敏既納高  
 麗叛亡之眾又封百濟故地遣兵守之帝怒削法敏官爵遣宰臣劉仁軌討之仍以法敏  
 弟金仁問為新羅王時仁問在京師詔金歸國以代其兄仁問至中路聞新羅降乃還二  
 年二月雞林道行軍大總管劉仁軌大破新羅之眾于七重城而還新羅于是遣使入朝  
 并獻方物前後相屬復法敏官爵既盡有百濟之地及高麗南境東西約九百里南北約  
 一千八百里案舊唐書云東西千里南北二千里新唐書云橫千里縱三千開耀元年法  
 敏卒遣使冊立其子政明為王長壽二年舊唐書作天授三年政明卒冊其子理洪為王三年遣使  
 來朝其年理洪卒舊唐書作長安二年卒冊其弟崇基為王仍襲兄輔國大將軍左豹韜衛大將軍  
 雞林州都督神龍三年授驃騎大將軍先天元年改名興光開元十年頻遣使獻方物十  
 一年興光遣獻果下馬二匹及金銀等仍上表陳謝至二十一年命太僕卿員外置金忠  
 武勳迴降書賜之又使其弟金嗣宗來朝并貢方物至二十一年命太僕卿員外置金忠  
 蘭使于新羅思蘭本新羅行人恭而有禮因留宿衛及是委以出疆之任且便之也是年  
 興光奏國內有芝草生畫圖以獻二十二年遣大臣金竭丹來賀正又遣姪志廉獻方物

授志廉鴻臚少卿員外置賜絹百匹留宿衛二十三年十一月遣從弟金忠相來朝卒於  
 路贈衛尉卿二十五年興光卒子承慶嗣位至二十八年冊其妻朴氏為新羅王妃天寶  
 三年卒命弟憲英嗣位是歲四月遣使獻方物十月遣使來賀正授左清道率府員外長  
 史賜綠袍銀帶遣番自後頻來朝貢七載遣使獻金銀及六十總布魚牙紬朝霞紬牛黃  
 頭髮人參寶應二年憲英遣使朝貢授其使檢校禮部尚書放還入歷二年憲英卒子乾  
 運立三年命倉部郎中歸崇敬持節冊命七年使金標石來賀正授衛尉員外少卿八年  
 遣使來朝并獻金銀牛黃魚牙紬等方物建中四年乾運卒無子國人立其上相金良相  
 為王貞元元年令戶部郎中蓋瑱往冊其年良相卒立上相敬信為王十四年敬信卒其  
 子先卒國人立敬信嫡孫俊為王元和元年放宿衛王子金獻忠歸本國仍加試秘書  
 監三年遣使金力奇來朝四年遣使金陸珍等來朝貢五年王子金憲章朝貢七年重興  
 卒其相金彥昇遣金昌南等告哀其年七月授彥昇開府儀同三司檢校太尉新羅國王  
 彥昇妻貞氏冊為妃仍賜大宰相金崇斌等三人戟十一年十一月其入朝王子金士信  
 等遇風颺至楚州鹽城界淮南節度李鄴以聞十五年遣使朝貢長慶二年使金柱弼來  
 朝寶曆元年王子金昕來朝兼充宿衛太和四年舊唐書作五年彥昇卒五年四月詔以金景徽  
 為國王母朴氏太妃妻朴氏為妃開成元年王子義宗來謝恩宿衛會昌元年七月勅歸  
 國新羅官前入新羅宣慰副使充兗州都督府司馬賜緋魚袋金雲卿可淄州長史



唐六典河南道控新羅之貢獻

冊府元龜唐武德九年新羅遣使訟高麗王建武關其道路不得入朝又相與有隙屢相  
侵掠詔員外散騎侍郎朱子奢和解之建武奉表謝罪請與新羅對使會盟貞觀十七年  
九月新羅遣使言高麗百濟侵陵臣國累遭攻襲數十城兩國連兵期于必取將以今茲  
九月大舉謹遣陪臣歸命大國願乞偏師以存救援帝謂使人曰我頻使人和爾三國高  
麗百濟旋踵翻悔意在吞滅我少發邊兵總契丹靺鞨直入遼東爾國自解可緩一年之  
圍此後知無繼兵還肆侵侮然四國俱擾于國未安此為一策我又能給爾數千朱袍丹  
幟二國兵至建而陳之彼以為我兵必皆奔走此為二策百濟負海之險不修兵械我以  
數十百船載卒泛海直襲其地此為三策爾國以婦人為主為隣國輕侮我遣一宗枝以  
為爾國主待爾國安任爾自守此為四策爾宜思之將從何事使者但唯而無對帝於是  
遣相里元寔齎書賜高麗曰新羅委命國家朝貢不闕爾與百濟宜即戢兵若更攻之  
明年當出師擊爾國矣蓋蘇文謂元寔曰高麗新羅怨曠已久往者陪室相侵新羅乘釁  
奪高麗五百之地自非反地還城此兵恐未能已元寔曰既往之事安可追論蘇文竟不  
從十八年元寔還元寔初至平壤蓋蘇文又破新羅兩城詔以高麗侵逼新羅令營州都  
督張儉等率幽營一都督府兵馬問罪屬遼東水泛儉等兵不能濟二十二年新羅國伊  
質於於字新書唐金春秋及其子文王來朝帝遣光祿卿柳亨持節郊勞之是年百濟復

破其一十三城永徽元年六月新羅王金真德大破百濟之眾遣使以聞六年二月遣營

州都督程元振左衛中郎將蘇定方發兵一萬討高麗以侵掠新羅故也時新羅王金春

秋言高麗百濟靺鞨相連侵其北境奪三十三城乞兵救援故遣元振經畧之顯慶元年

百濟伐新羅新羅拒戰破之是年十月遣王子文王來朝咸亨四年燕山道總管李謹行

蘇謹行破高麗叛黨于瓠盧河之西高麗平壤餘眾遁入新羅五年二月遣劉仁軌為雞

林道行軍大總管以伐新羅又以靺鞨兵浮海而南畧新羅之南境仁軌還詔以李謹行

為安東鎮撫大使屯兵於新羅之賈有城以經畧之前後三戰皆捷于是新羅遣使入朝

并獻方物開元二年二月王子金守忠來朝留宿衛賜宅及帛以寵之十一年四月遣使

獻果下馬一匹表曰鄉居海曲地處遐陬原無泉客之珍本乏賈人之貢輒將方產之物

塵瀆天宮驚蹇之才滓穢龍巖竊方燕豕敢類楚雞深覺頑瀟增汗戰是年賀正使金

武勳還國賜興光錦袍金帶及綵素三匹四十九年二月使臣金志良來賀正授太僕員

外少卿賜帛六十四還番降書與新羅王曰所進牛黃及金銀等物省表具知卿二明慶

祚三韓善隣時稱仁義之猶代著勳賢之業文章禮樂聞君子之風納欵輸誠効勤王之

節固藩維之鎮衛諒中外之表儀朕每晨興佇念宵衣待賢想見其人以光啟沃俟卿觀

止允副所懷今使至知嬰疾苦不遂祇命言念遐濶用增憂勞時候暄和想痊復也今賜

綵綾五百匹帛二千五百匹宜即領取此詔則開元時曾命新羅王入朝而王因疾不至也二十一年十二月王



姪志康來朝謝恩也初帝賜與光白鸚鵡雄雌各一及紫羅繡袍金銀鈿器物瑞文錦五  
 色羅綵三百餘段與光表曰地隔蓬壺天慈洽遠鄉睽華夏磨澤單幽伏覲瓊文跪披玉  
 匣含九霄之雨露帶五綵之鵷鸞繡惠靈禽素蒼兩妙或稱長安之樂或傳聖主之恩羅  
 錦綵章金銀寶鈿見之者爛目聞之者驚心微效若塵重恩如岳循涯揣分何以上酬詔  
 饗志康于內殿二十二年新羅王金興先從弟左領軍衛員外將軍忠信上表曰臣所奉  
 進止令臣執節本國發兵馬攻鞅鷁有事禮奏者奉聖旨時為替人金孝方身亡便留臣  
 宿衛今從姪志康到訖臣即會還每思前所奉旨無忘夙夜陛下先有制加本國王甯海  
 軍大使錫之旌節伏望因臣還國以副使假臣豈惟斯怒益振固亦武夫作氣帝許焉二  
 十四年六月新羅王表曰伏奉恩勅浪江以南令新羅安置錫臣境土廣臣臣居遂使舉  
 闕有期農桑得所奉綵綸之旨荷榮寵之深粉骨糜身無由上答按此則開元時以浪江  
 以南地與新羅舊書  
 俱未天寶二年制曰故開府儀同三司使持節都督雜林州諸軍事兼持節甯海軍使新  
 羅王金承慶弟憲英奕葉懷仁率心當禮大賢風教條理光明中夏軌儀衣冠素襲馳海  
 珍而遣使準雲呂而通朝代為純臣累効忠節頃者兄承土宇沒而無嗣弟膺繼及抑惟  
 常經是用寬懷優以冊命可襲兄新羅國王開府儀同三司使持節大都督雜林州諸軍  
 事兼充持節甯海軍使憲宗元和三年勅新羅王叔金彥昇弟仲恭等三人宜令本國准  
 舊例列戟七年勅新羅國大宰相金崇斌等三人令本國准例賜戟十五年新羅寶子金

士伯奏本國嘗差寶子宿衛每有天使臨番即充副使轉通聖旨下告國人今在城寶子  
 臣當次行敬宗初即位雖林人前右監門衛率府兵曹參軍金雲卿進狀請充入本國宣  
 慰副使從之敬宗寶曆元年國王金彥昇奏先在太學生崔利貞金叔貞朴季業四人請  
 放還番其新赴朝貢金允夫金立之朴亮之等十二人請留在宿衛仍請配國子監習業  
 鴻臚寺給資糧從之二年十二月新羅寶子金允夫請准舊例中使入番便充副使同到  
 本國譯詔書不許但隨告使充副使文宗開成元年新羅王金景徽遣其子義琮來謝恩  
 兼宿衛一年還番是年十二月新羅寶子試光祿卿金允夫進狀稱入朝充質二十六年  
 三蒙改授試官再當本國宣慰及册立等副使准往例皆蒙特授正官遂授武成王廟令  
 三年新羅王金祐徵遣淄青節度使奴婢帝矜以遠人令却歸本國新羅自武德四年至  
 會昌元年朝貢不絕

五代

張九齡集與新羅王金興光勅知卿欲于浪江置戍既與渤海衝要又與祿山相望仍有  
 遠圖宜遵長策且渤海久已通誅卿每嫉惡深用嘉之

五代史新羅自唐高祖時封金真案新唐書俱作金真平當係此誤為樂浪郡王其後世常為君長同光  
 元年國王金朴英遣使者來朝貢長興四年權知國事金溥遣使來朴英溥世次立卒史  
 皆失其紀自晉以後不復至



冊府元龜後唐同光二年十一月國王金朴英遣倉部侍郎金樂錄事參軍金幼卿朝貢  
二年正月國王及本國泉州案新唐書有全州無泉州當即一州而傳寫異也節度使王逢規遣使朝貢六月遣  
使朝散大夫倉部侍郎賜紫金岳來朝授朝議大夫試衛尉少卿天成二年四月新羅國  
康州遣使林彥來朝貢對于中興殿長興三年四月權知本國金溥遣使執事侍郎金臚  
貢方物

五代會要天成二年二月新羅遣使張芬等來朝三月以新羅國權知康州事王逢規爲  
懷化大將軍新羅國前登州都督府長史張希巖新羅登州舊說全州據知後官本國金  
州司馬李彥謨並檢校右散騎常侍又以張芬爲檢校工部尚書副使兵部郎中朴述洪  
兼御史中丞判官倉部員外郎李忠式兼御史清泰二年以入朝使金臚爲檢校工部尚  
書副使司賓大卿李儒爲將作少監

宋

諸番志新羅國與泉之海門對峙俗忌陰陽家子午之說故輿販必先至四明而後再發  
案宋時新羅爲契丹所隔故由海道以至四明與陰陽家之說殊無干涉志蓋爲此說以文之耳或曰泉之水勢漸低故必經由四明有  
大族金氏朴氏其治法峻故少犯道不拾遺建隆二年遣使來貢興國一年又貢中國使  
至必涓吉而後具禮

高麗圖經高麗既併新羅東北稍廣其西北與契丹接昔以大遼爲界後爲所侵逼退保

鴨深以爲險

案此與下通考所云皆北宋末高麗之界也是時新羅北境屬金其南境屬高麗故高麗之東北稍廣而退保鴨深亦始于此時云

通考高麗以新羅爲東州樂浪府號東京建炎二年募使絕域者浙東副總管楊應忱請  
身使三韓結雞林以達燕雲假刑部尚書往使高麗高麗不奉詔乃遣

奉使行程錄自咸州九十里至同州皆北行東望大山金人云此新羅山內深遠無路

可行深處與高麗接界山下至所行路可三十里自同州百七十里至黃龍府東行

州金爲咸平府同州金爲銅山縣俱在今鐵嶺開原之間東至咸遠堡即吉林界南至奉天即唐時高麗界開原即漢時夫餘國界有濟之舊國也通考謂新羅西北界出高麗百濟之問者應即指此其後皆併于渤海是時則屬女真也

遼

遼史太祖九年新羅遣使貢方物天贊四年復來貢天顯元年以王郁等從征新羅有功  
優加賞賚太宗天顯三年遷東丹氏以實東平其民或亡入新羅女真聖宗開泰元年歸  
州言居民本新羅所遷未習文字請設學以教之

遼史兵衛志屬國可紀者五十九其二十一曰新羅

遼史地理志唐元和中渤海王大仁秀南定新羅開置郡縣海州巖淵縣東界新羅故平  
壤城在縣西南又中京大定府設朝天館以待新羅使

契丹國志太祖併吞諸部渤海王大諱諶深憚之與新羅結援新羅言語名物有似中國  
國王誦自契丹承天太后時入貢其後王誦爲部下所殺立其弟詢契丹以王誦進貢興



兵北討十年方罷兵新羅依舊朝貢康新羅王之名遼史不載聖宗本紀高麗西京留侍康華試其王請立論從兄詢詔來征後高麗復朝貢是謂與詢皆高麗王名此事亦係高麗非新羅也聖宗用兵新羅本紀亦未載惟地理志有聖宗伐新羅還一語耳契丹四至東南至新羅國以鴨

元

元史高麗傳高麗地東至新羅南至百濟背跨大海後闢地益廣併古新羅百濟高句麗

三國為一按高麗所併實止二國東南之地其西北諸境並未屬高麗也

謹案新羅自魏時始見謂之斯盧亦曰新盧實一國也唐初兼百濟高麗二國之地龍朔元年始以其國為雞林州都督府以新羅王金法敏兼大都督其後嗣王皆其雞林都督之號考新羅故地本與百濟高麗為隣通考云在百濟東南其西北界出高麗百濟之間唐書唐會要言在百濟東北以新唐書高麗傳考之高麗東跨海距新羅南跨海距百濟西北度遼水接營州北接靺鞨則自今奉天遼陽南至鳳凰城渡鴨綠江至今朝鮮之咸鏡平安等道者高麗也自今開原廣甯錦義甯遼南至蓋平復州甯海又東南跨海極朝鮮之全羅黃海忠清等道者百濟也而新羅之境東南兼有今朝鮮慶尚江原二道西北直至今吉林烏拉又西近開原鐵嶺出高麗百濟之間故百濟之東北東南皆相隣近高麗介處其中通考所云亦在高麗東南奉使行程錄所云自咸州至同州今開原鐵嶺界東望大山即新羅州遼志所云海州即金州海州始屬百濟後為高麗東界新羅是也唐顯慶乾封以

後百濟高麗之地多入新羅東西增九百里南北增千餘里幅員益廣而唐人篇什往往

以海外稱之者蓋西北為渤海契丹所隔必浮海往來始達其南境故耳洎開元元和之

際渤海愈盛鴨綠江以北皆為渤海所有遼志所謂渤海王大仁秀南定新羅開置郡邑

是也後唐清泰末高麗復起王建襲據新羅邊邑建都松岳元史所謂在鴨綠江東千餘

里非平壤之舊者是也于是新羅所有僅海城以東及朝鮮數道非復唐時之境而自五

代至遼傳國依然不絕也至雞林即今吉林雞與吉音既相符核諸地里亦合蓋在龍朔

時既兼二國與靺鞨渤海壤地相錯設重鎮于此而王自領之自後相沿世襲其號雖吉

林故地旋歸渤海而都督之號仍繫新羅雞林遂為新羅之通稱遼宋以後為高麗所併

因舉而屬之高麗若王雲之撰雞林志王煦之封雞林郡公亦皆沿其舊名耳諸史

又云新羅始保沃沮考後漢書魏志通考俱有東沃沮南沃沮北沃沮之文無大君長邑

落各自有地而其地或在挹婁見前失餘之南或在挹婁之北或屬元菟或屬樂浪或屬

句驪東濱海而南接濊所載皆朝鮮句驪及漢樂浪諸郡事則沃沮者應即今之窩集

盛京邊外東南北諸處在在有新羅所保據毋丘儉傳在肅慎見前界南千餘里則當在

吉林烏拉之南近長白山殆納沁庫呼訥納嚙諸窩集之地歟王本百濟人金姓隋初已


三十餘世唐武德至會昌又十八世五代以後史弗能詳至其山林盤互法令修明道不

拾遺人孺書射史稱君子之國不虛也若休旣羅諸國並為新羅所併其遺跡皆在今



朝鮮南界云

欽定滿洲源流考卷四



欽定滿洲源流考卷五

部族五

靺鞨

南北朝

北史靺鞨即古肅慎氏也所居多依山水渠帥曰大莫弗瞞咄案滿洲語謂長曰達稱老

弗三字當係達語法也瞞咄二字與滿語音相近

括地志靺鞨古肅慎也在東北萬里已下東及北各抵大海

冊府元龜靺鞨在高麗之北其地在營州東二千里南與新羅相接地方二千里編戶十

餘萬兵數萬人北齊武成帝河清二年三年俱遣使朝貢後主天統元年至四年武平元

年四年六年並遣使朝貢

後周書高麗北鄰靺鞨

隋

隋書靺鞨國在高麗之北邑落各有君長不相總一凡有七部僻規朝鮮西北與契丹接每

相攻掠後因其使來高祖謂之曰我憐念契丹與爾無異宜各守土境豈不安樂何為輒

相攻擊使者謝高祖因厚勞之煬帝初與高麗戰頻敗其眾渠帥度地稽帥其部來歸拜

右光祿大夫居之柳城及遼東之役度地稽率其徒以從每有戰功十三年從帝幸江都



尋令歸柳城在途遇李密之亂至高陽復役於王須拔未幾歸羅藝  
冊府元龜開皇元年靺鞨遣使貢方物三年十一年十三年大業十一年並來貢突地稽  
者靺鞨之長也大業中與兄瞞咄率其部內屬營州瞞咄卒代總其眾拜遼西太守封夫  
餘侯親來江都屬宇文化及之亂仍歸柳城唐武德二年通使焉

唐

舊唐書靺鞨蓋肅慎之地後魏謂之勿吉在京師東北六千餘里其國凡為數十部各有  
長帥而黑水靺鞨見前最處北方尤稱勁健父子相承世為君長武德初突  
地稽遣使朝貢以其部落置燕州仍以突地稽為總管劉黑闥之叛也突地稽率所部赴  
定州遣使詣太宗請授節度以戰功封著國公冊府元龜又徙其部落於幽州之昌平城  
會高開道引突厥來攻幽州突地稽率兵邀擊大破之貞觀初拜右衛將軍賜姓李氏尋  
卒子謹行偉貌武力絕人麟德中歷遷營州都督其部落家僅數千人以財力雄邊累拜  
右領軍大將軍為積石道經畧大使吐蕃論欽陵等率眾十萬人入寇湟中謹行兵士抹  
樵素不設備忽聞賊至遂運旗鼓開門以待之吐蕃疑有伏兵竟不敢進上元三年又  
破吐蕃數萬眾於青海降聖書勉勞之累授右衛大將軍封燕國公永淳元年卒贈幽州  
都督自後或其長自來或遣使朝貢每歲不絕其白山部素附於高麗因收平壤之後部  
種多人中國汨咄安居骨室等部亦因高麗破後並為渤海編戶惟黑水部全盛分為十

六部開元十二年安東都護薛泰請於黑水靺鞨內置黑水軍積更以最大部落為黑水  
府按渤海傳作開元十四年與此小異仍以其首領為都督諸部刺史隸屬焉中國置長史就其部落監領  
之十六年其都督賜姓李氏名獻誠授雲麾將軍兼黑水經畧使仍以幽州都督為其押  
使自此朝貢不絕

舊唐書百濟傳永徽六年新羅王金春秋表百濟與靺鞨攻其北界沒二十餘城

舊唐書高麗傳貞觀十九年太宗攻安市城高麗北部褥薩高延壽等率高麗靺鞨之眾  
十五萬來援安市乾封九年分高麗故地置都督府九又置安東都護府以統之自是高  
麗舊戶分投靺鞨

舊唐書鐵勒傳鐵勒國東至靺鞨西至葉護太宗征高麗鐵勒遣使請發兵助軍高麗莫  
離支潛令靺鞨啗以厚利不敢動

新唐書地理志靺鞨州三府三慎州武德初以凍沫烏素夷賓州乾符中以愁思嶺

載初元年析慎州置喬治良鄉按原文黑水州都督府渤海都督府安靜都督府右初

皆隸營州都督府李盡忠陷營州乃遷慎州於淄青之境夷賓州於徐州之境黎州於宋  
州之境神龍初乃使北還二年皆隸幽州都督府

通典古時肅慎後魏以後曰勿吉唐則曰靺鞨焉皝編字昨幹

冊府元龜唐武德五年靺鞨帥阿固郎來朝七年九年貞觀三年並來朝貞五年黑水部



獨來自此每歲朝貢開元元年靺鞨王子來朝請就市交易入寺禮拜許之二年拂涅靺鞨首領失異蒙越喜靺鞨首領烏施可蒙鐵利靺鞨首領闔許離等來朝迄開元天寶之世一歲或二三至十年拂涅部靺鞨如價鐵利部買取利來朝並授折衝越喜部茂利蒙鐵利部可婁計黑水部倪屬利稽來朝並授中郎將十一年越喜部勃施計拂涅部朱施蒙鐵利部倪處梨來朝並授中郎將十二年鐵利部泐池蒙來朝授將軍越喜部努布利拂涅部魚可蒙並授中郎將黑水部領屋作箇授折衝越喜部復遣使破支蒙來賀正旦十二年黑水部遣其將五郎子來賀正授將軍鐵利大首領封阿利越喜部必利施拂涅部薛利蒙來朝黑水大首領烏素可蒙授折衝諾魯蒙授果毅職紇蒙授中郎將十五年鐵利部米象來朝授中郎將伊蒙授果毅十八年黑水部遣使阿布科思叔駝喇獻方物倪屬利稽等十人來朝授中郎將拂涅部兀異獻馬四匹授左武衛折衝留宿衛二十四年越喜部首領聿棄計授折衝二十五年拂涅部首領兀異授中郎將二十八年越喜部遣其臣野古利鐵利部遣其臣綿度巨獻方物二十九年越喜部遣烏舍利黑水部遣阿布利稽拂涅部遣那棄並來朝大歷二年至十二年建中八年並遣使朝貢建中十九年虞莫越喜並來元和十年黑水部長十一人來案册府元龜所載靺鞨人名以滿洲語考之如謂好克神莽阿與烏施可蒙音近善騎者曰摩林莽阿與茂利蒙音近謂魯曰勞伯哩與勞布利音近利毛豐滿曰豐阿拉與封阿利音近聽明能事曰蘇呀莽阿與蘇利蒙音近甚能日諾凱莽阿與諾固蒙音近編牙魯曰密色與米象音近謂柔軟曰烏延與兀異音近博譯之說尚有可訂也

册府元龜高宗儀鳳中授高藏為朝鮮郡王授夫餘隆為帶方郡王並遣歸遼東以輯高麗百濟餘眾高藏既至謀叛唐與靺鞨相結召還流邛州其地沒與新羅餘眾散投突厥及靺鞨夫餘隆亦不敢歸舊國土地盡沒於靺鞨高氏夫餘氏君長遂絕上元二年劉仁軌破新羅之眾於七重城又以靺鞨丘浮海而南畧新羅之南境斬獲甚眾開元八年九月遣左驍衛副將攝即中張越使於靺鞨以將討奚及契丹也開元十二年新羅王弟金忠信上表請攻靺鞨帝許之

太平寰宇記靺鞨在高麗北古肅慎地隋初有使來獻謂即勿吉也唐武德三年部長突地稽遣使朝貢以其部置燕州拜為總管其後黑水部全盛分為十六部落黑水西北有思慕靺鞨正北微東十日程有郡利靺鞨東北十日程有窟說靺鞨亦謂之屈設東南十日程有莫曳皆靺鞨今黑水靺鞨界南至渤海國德里府北至小海東至大海西至室韋南北二千里東西千里初太宗謂侍臣曰靺鞨遠來蓋突厥降朕所致也其拂涅等部唐初至天寶末亦嘗朝貢或隨渤海國而來惟郡利莫曳皆二部未至

通考唐武德五年靺鞨渠長阿固即始來太宗貞觀二年以其地為燕州帝伐高麗其北部與高麗合率眾援安市城每戰靺鞨常居前開元十年其帥倪屬利稽來朝拜勃利州刺史於是置黑水府以部長為都督刺史訖帝世朝獻者十五大歷世凡七貞元一來元和中再初黑水西北又有思慕部益北行十日得郡利部東北行十日得窟說部稍東南



行十日得莫夷皆部又有拂涅虞婁越喜鐵利等部其地南距渤海北東際於海西抵室韋南北袤二千里東西千里其後渤海盛皆役屬之

五代

五代史黑水靺鞨本號勿吉當後魏時見中國其國東至海南界高麗西接突厥北隣室韋蓋肅慎氏之地也同光二年黑水首領兀兒遣使者來其後常來朝貢自登州泛海出青州其部族世次史皆失其紀按索倫語謂此曰烏鳴與兀兒音同黑水部族至廣而兀兒所部史失其紀以音譯考之當與今索倫近也

五代會要黑水靺鞨蓋肅慎之地在京師東北六十餘里東至於海西接突厥南界高麗北隣室韋其國凡有十部各有統帥而黑水最處北方尤稱勁健天成四年八月遣使骨按骨至滿州語也來貢方物以骨至為歸德司戈遣還長興元年二月其首領兀兒復遣使朝貢二年五月青州奏黑水兀兒部至登州賣馬

冊府元龜後唐同光二年九月黑水國遣使朝貢三年黑水胡獨鹿按滿州語令意速曰呼都拉與胡獨鹿音近等遣使朝貢三年青州奏市到黑水馬三十四匹

遼

遼史太祖天顯元年靺鞨來貢太宗會同元年靺鞨來貢

遼史兵衛志屬國軍有靺鞨部朝貢無常有事則遣使徵兵或下詔令專征助軍多寡各從其便

遼史地理志唐載初元年原本作載初二年蓋沿唐志之誤謹改析慎州原本慎州今據唐地理志改置黎州處靺鞨部落後為奚人所據還為榆州

金

金史世紀靺鞨本號勿吉隋稱靺鞨初七部並同唐初有黑水靺鞨粟末靺鞨其五部無聞粟末靺鞨後稱渤海黑水靺鞨居肅慎地東瀕海南接高麗嘗以兵十五萬助高麗拒唐太宗開元中置黑水府賜都督姓李氏名獻誠領黑水經畧使其後渤海盛強黑水役屬之朝貢遂絕五代時契丹盡取渤海地而黑水附於契丹其在南者籍契丹其在北者不在契丹籍地有長白山黑龍江所謂白山黑水是也

元

元史地理志開元路古肅慎之地隋唐曰黑水靺鞨其後渤海盛役屬之渤海為契丹所攻黑水復有其地

謹按靺鞨後魏謂之勿吉其名始見於南北朝北史合為一傳至隋唐則專為靺鞨傳武德以後遂無復勿吉之稱其七部即勿吉之七部也迨後分部愈廣至有數十最强者為粟末黑水粟末部大氏既興改稱渤海詳後靺鞨自後魏以來邑落各有君長不相統一其與隋唐諸國使命相通者特其二部一邑即唐時都督刺史之授亦不過假借虛名以通互市往來之便實未有能統而一之者後或分屬契丹猶然散處而黑水一部實在今



薩哈連烏拉之境唐時即已獨盛又自分為十六部至五代時改稱女真兼靺鞨諸部而有之而完顏氏詳後世君其地未嘗一日屬契丹也其部族之可考者若思慕郡利窟說莫曳皆虞婁越喜鐵利等皆是蘇今黑龍江將軍所屬有錫呼穆河有庫裕爾河與思虞婁之轉音上滿地婁亦相近也又滿洲語謂全部之部中間渤海盛時亦有侵併若越日約希謂隊伍曰點音謂理曰堅與越喜莫曳皆音亦近中問渤海盛時亦有侵併若越喜故地之為懷遠安遠二府領達越等十三州鐵利故地之為鐵利府領廣汾等六州而遼地志載新興縣本越喜國地遼本紀鐵驪國屢通貢使至天祚不絕是越喜人遼而鐵利復自立國迄於金世猶存利與驪音同續通考乃云不知其所始非也虞婁當即挹婁之轉音思慕等部亦當在今黑龍江右右至唐書言白山左部散入中國而遼志有長白山女真三十部稱號雖殊山川可考金源盛而諸部始歸於一焉爾

欽定滿洲源流考卷五

欽定滿洲源流考卷六

部族六

渤海

唐

舊唐書渤海靺鞨大祚榮者始居營州萬歲通天年契丹李盡忠叛祚榮與靺鞨乞四比羽各東奔保阻以自固盡忠既死則天命右玉鈐衛大將軍李楷固率兵討其餘黨先破乞四比羽又度天門嶺以迫祚榮祚榮合高麗靺鞨之眾以拒楷固王師大敗楷固脫身還屬契丹及奚盡降突厥道路阻絕則天不能討祚榮遂率其眾東保桂婁新唐書之故地據東牟山築城以居之祚榮驍勇善用兵靺鞨之眾及高麗餘燼稍稍歸之聖歷中自立為振通考國王遣使通於突厥其地在營州東二千里南與新羅相接東北至黑水靺鞨地方二千里編戶十餘萬勝兵數萬人中宗即位遣侍御史張行岌往招之祚榮遣子入侍將加冊立會契丹與突厥連歲入邊使命不達先天二年遣郎將崔訢往冊拜祚榮為左驍衛員外大將軍渤海郡王仍以其所統為忽汗州加授忽汗州都督開元七年祚榮卒冊立其嫡子桂婁郡王大武藝十四年黑水靺鞨遣使來朝詔以其地為黑水州置長史武藝謂其屬曰黑水途經我境今始與唐家相通舊請突厥吐屯皆即知同去今不計會即請漢官必是與唐家通謀腹背攻我也遣母弟大門藝及其舅任雅新唐書通考皆作任雅相



發兵以擊黑水門藝曾充質子至京師開元初還國至是謂武藝曰黑水請唐家官吏即欲擊之是背唐也昔高麗全盛時強兵三十餘萬唐兵一臨掃地俱盡今日渤海之衆數倍少於高麗事必不可武藝不從門藝兵至境又上書固諫武藝怒遣從兄大壹夏代統兵徵門藝欲殺之門藝遂棄其衆間道來奔詔授左驍衛將軍武藝上表極言門藝罪狀請殺之上密遣門藝往安西報武藝云門藝遠來歸投義不可殺今流向嶺南乃留其使馬文軌慈勿雅別遣使報之俄有洩其事者武藝又上書云大國示人以信豈有欺誑之理今聞門藝不向嶺南請依前殺却帝遣門藝暫向嶺南以報之二十年武藝遣其將張文休率海賊攻登州詔門藝往幽州徵兵以討之仍令太僕員外卿金思蘭發新羅兵以攻其南境屬寒凍雪深丈餘兵士死者過半無功而還武藝懷怨不已密遣使至東都假刺客刺門藝於天津橋南門藝格之不死詔捕獲其賊盡殺之二十五年武藝卒子欽茂嗣立

新唐書渤海本粟末靺鞨姓大氏高麗滅率衆保挹婁之東牟山地直營州東二千里南北新羅以泥河爲境東窮海西契丹築城郭以居萬歲通天中有舍利乞乞仲象者與乞四比羽東度遼水保太白山之東北武后封乞四比羽爲許國公乞乞仲象爲震國公不受命李楷固擊殺比羽是時仲象已死其子祚榮敗楷固兵乃自號震國王地方五千里盡得夫餘沃沮并韓朝鮮海北諸國先天中拜爲左驍衛大將軍渤海郡王自是始去靺鞨號專稱渤海祚榮卒其國諡爲高王子武藝立斥大土宇東北諸國畏臣之改年曰仁安卒諡武王子欽茂立改年大興天寶末欽茂徙上京直舊國三百里忽汗河之東卒諡文王子宏臨早卒族弟元義立一歲國人殺之推宏臨子華璽爲復還上京改年中興卒諡成王欽茂少子嵩鄰舊唐書立改年正歷諡康王子元瑜立改年永德諡定王弟言義立改年朱雀諡僖王弟明忠立改年太始立一歲卒諡簡王從父仁秀立改年建興其四世祖野勃案野勃當爲伊伯之轉音滿洲語合進也祚榮弟也仁秀頗能討伐海北諸部開大境宇有功卒諡宣王子新德早卒孫彝震立改年咸和卒弟虔晃立虔晃卒元錫立初其王數遣諸生詣京師太學習識古今制度至是遂爲海東盛國地有五京十五府六十二州以肅慎故地爲上京曰龍泉府領龍湖渤三州其南爲中京曰顯德府領盧顯鐵湯榮興六州濊故地爲東京曰龍原府亦曰柵城府領慶鹽穆寶四州沃沮故地爲南京曰南海府領沃晴椒三州高麗故地爲西京曰鴨綠府領神桓豐正四州曰長領府案遼史作長嶺古字相南五百里有山名長嶺子滿洲語謂之果勒斡珠致南穆納嶺高集北按庫等語高麗領河二州夫餘故地爲夫餘府常屯勁兵扞契丹領扶仙二州鄭頡府領鄭高二州挹婁故地爲定理府領定潘遼志作潘當係此誤二州安邊府領安瓊二州率賓故地爲率賓府領華益建三州拂涅故地爲東平府領伊蒙陀通考考黑比五州鐵利故地爲鐵利府領廣汾蒲海義歸六州越喜故地爲懷遠府領達越懷紀富美福邪芝九州安遠府領寧湄慕常四州又



鄧銅涑三州為獨奏州涑州以其近涑沫江蓋所謂粟末水也州並詳幽州節度府與後羅城門幽州節度府與相聘問自榮平距京師蓋八千里而遠後朝貢至否史家失傳考册府元龜渤海朝貢在唐時至會昌間止今詳於後

册府元龜唐元宗先天二年二月封靺鞨大祚榮為渤海郡王祚榮聖歷中自立為振國王在營州東二千里兵數萬人至是遣郎將崔訢往册命祚榮左驍衛員外大將軍渤海郡王仍以其所統為忽汗州都督自是每歲遣使朝貢開元七年祚榮卒遣使弔祭立其嫡子桂婁郡王大武藝襲為左驍衛大將軍渤海郡王忽汗州都督八年六月册武藝嫡男大都利行為桂婁郡王二十年武藝卒其子大欽茂嗣立二十一年渤海靺鞨越海來侵登萊殺刺史韋俊詔新羅王金興光發兵伐之貞元十一年二月令內常侍殷志瞻往渤海册大嵩璘為郡王嵩璘欽茂之子也十四年三月加大嵩璘銀青光祿大夫檢校司空册為渤海國王依前忽汗州都督嵩璘父欽茂以開元間襲郡王都督左金吾大將軍天寶中累加特進太子詹事賓客實應元年進封國王大歷中又累拜司空太尉及嵩璘嗣位時但授其郡王將軍嵩璘遣使敘理更加册命焉貞元二十一年復加金紫光祿大夫檢校司徒元和元年加檢校太尉四年嵩璘卒册男元瑜為銀青光祿大夫檢校秘書監充忽汗州都督渤海國王八年元瑜卒以其長弟權知國務言義襲十三年以知渤海國務大仁秀為國王十五年加仁秀金紫光祿大夫檢校司空太和五年以權知國務大

彝震襲為國王

册府元龜唐開元九年渤海大首領來朝十年遣其大臣味勃計來朝授大將軍十二年遣其臣賀祚慶來賀正且十三年遣首領烏借支蒙來賀正首領謁德來朝授果毅王弟大昌勃價來朝授左威衛將軍留宿衛十四年渤海王子大都利行原文作渤海王大都利考之史傳渤海王實未嘗來朝惟開元八年封王子大都利行為桂婁郡王蓋渤海之支郡下文亦稱宿衛王子大都利行卒此處係脫二字謹增來朝授左武衛大將軍留宿衛王子義信來朝十五年大昌勃價還國封襄平縣開國男王弟大寶方來朝十六年宿衛王子大都利行卒贈特進合有司護歸國首領於夫須來朝授折衝十七年獻鷹及鱷魚王弟大胡雅來朝授遊擊將軍留宿衛王弟大琳來朝授中郎將留宿衛十八年王弟大郎雅來賀正大首領遣使知蒙獻馬三十四匹鳥那達初案鳥氏為渤海大姓那達丹珠之來獻海豹皮五貂鼠皮五瑪瑙杯馬三十四匹十九年國王遣大姓取珍等百二十人來朝二十三年王弟蕃來朝册府元龜卷異門作二十五年首領木智蒙公伯計等來獻鷹鶻二十六年獻豹鼠皮千張乾文魚百口二十七年王弟大勗進來朝宴於內殿授左武衛大將軍留宿衛十月使其臣受福子一作優來謝二十九年遣失阿利來朝天寶二年王弟蕃來朝留宿衛自天寶迄大歷一歲皆二三至建中元年三年並來朝貞元七年以賀正使大常靖為衛尉卿王子大貞幹來宿衛十年以來朝王子大清允為右衛將軍十四年以王姪大能信為中郎將元和元年二年四年並遣使二年進奉端午



使楊光信逃歸榆關吏執以至五年遣其臣高才南及其子大延真來朝七年御麟德殿宴使臣賜官告三十五通衣各一襲八年遣辛文德等九十七人九年遣高禮進等三十七人大孝真等五十九人來朝十年賜使者茹貞壽大呂慶等告遣王子大庭俊等一百一人來朝十一年授使人高宿滿等官十二年十五年長慶二年四年寶曆元年二年太和元年三年五年並遣使朝貢六年遣王子大明俊來朝七年遣同中書右平章事高賞英謝册命開成元年遣王子大明俊來朝淄青節度使奏渤海將到熟銅請不禁斷四年遣王子大延廣來朝會昌六年遣使來朝

五代

五代史渤海本號靺鞨唐高宗滅高麗徙其人散處中國置安東都護於平壤以統之武后時契丹攻北邊高麗別種大乞乞仲象與靺鞨長乞四比羽走遼東分王高麗故地武后遣將擊殺乞四比羽而乞乞仲象亦病卒仲象子祚榮立因并有比羽之衆其衆四十萬人據挹婁臣於唐中宗時以爲忽汗州都督封渤海郡王其後世遂號渤海其貴族姓大氏開平元年國王大諲譔遣使者來訖顯德常來朝貢國土物產與高麗同諲譔世次立卒史失其紀

五代史契丹附錄契丹欲攻中國患渤海等在其後欲擊渤海懼中國乘其虛乃遣使聘唐以通好明宗遣供奉官姚坤至西樓契丹主方東攻渤海坤追至慎州見之契丹主曰

昨聞中國亂欲以甲馬五萬往助我兒而渤海未除志願不遂因攻渤海取夫餘一城以爲東丹國通考與此同

舊五代史出榆關行砂磧中七八日至錦州又五六日過海北州又行十餘日渡遼水至渤海國鐵州又行七八日至南海府天成元年十一月青州霍彥威奏得登州狀申契丹先發諸部攻逼渤海自契丹主卒雖已抽退尚留兵馬在夫餘城今渤海王弟部領兵士攻圍夫餘城契丹

通鑑同光二年契丹擊渤海之遼東無功而還天成元年復擊渤海七月拔夫餘城

宋史渤海併有夫餘肅慎等十餘國歷唐梁後唐朝貢不絕後唐天成初爲契丹攻夫餘城下之改夫餘爲東丹府命其子托雲舊作突留兵鎮之契丹主卒渤海王復攻夫餘不能克歷長興清泰遣使朝貢周顯德初其豪酋烏斯等三十人來歸其後隔絕不復通宋會要與

此同 案烏斯當爲烏蘇之訛蒙古語水也

册府元龜梁開平元年五月渤海王子大昭順貢海東物產三年三月渤海王大諲譔遣其相大誠謬朝貢進人口及貂皮熊皮等乾化元年遣使來賀二年五月遣王子大光贊進方物後唐同光二年正月遣王子大禹謨五月遣其姪元讓並來朝貢三年使臣裴瑆貢人參松子昆布黃明細布貂鼠被一褥六髮靴革奴子二拜右贊善大夫天成元年四月遣使大陳林等百十六人進兒口女口三及人參昆布白附子虎皮等七月使人大昭



佐等六人朝貢十一月青州奏契丹先發諸部攻渤海自契丹主卒雖已抽退尚留兵夫餘城今渤海王弟部領兵士攻圍夫餘四年渤海遣使高正詞貢方物長興元年正月青州奏差人押渤海平憲一行歸本國被黑水剽劫今得黑水兀兒狀及將印紙一張進呈

二年使人文成角來朝貢三年正月遣使來朝應順二年十一月遣使列周義入貢唐書

帝應順改元止三月即為端王清泰元年考五代史載清泰二年渤海遣使者來是應順當係清泰之誤

通考後唐同光二年渤海王遣姪學堂親衛天元讓原本避宋漢王允讓諱改來朝授原本册府元龜補試國子監丞三年及天成元年俱遣使入貢先是契丹太祖兵力雄盛東北

諸國多臣屬之以渤海土地相接常有吞併之意是歲率諸部攻渤海夫餘城下之改夫

餘城為東丹府命其子托雲鎮之未幾安巴舊作阿保機今改死命其弟率兵攻夫餘城不克

而還四年及長興二年三年四年清泰二年三年俱遣使貢方物周顯德元年渤海國烏

思羅等三十人歸化其後隔絕不通

宋

宋史太平興國四年太宗平晉陽移兵幽州渤海首領大鸞河率小校李勳等十六人部

族三百騎來歸以鸞河為渤海都指揮使六年賜烏舍城浮渝府渤海瑋府王詔令助攻

契丹九年春宴大明殿召鸞河慰撫久之謂殿前都校劉延翰曰俟高秋戒候當與駿馬

數十匹令出郊遊獵以遂其性因以緡錢十萬併酒賜之案渤海無浮渝府當即夫餘府音近而訛

宋會要太平興國六年賜渤海烏舍城浮渝府宋史作渤海瑋府王詔曰聞爾國爰從前

代本是大藩近年以來頗為契丹所制宜盡率部族來應王師朔漠之外悉以相與渤海

大國近來服役於契丹至是將發師大舉故先告諭俾為應也淳化二年以渤海不通朝

貢令女真發兵攻之凡斬一級給絹五匹徽宗政和八年五月臣僚言登州與渤海相望

熙寧中巡檢每季下北海鮑基島鮑基島以馳基石為界自北朝通好不曾根理深慮渤海

相近往過則馳基寨孤立之所未島鳴呼為界併欽島添置卓望兵令戍守往來巡邏

詔令指畫聞奏不得希功生事

通考定安國宋開寶三年遣使入朝太平興國中詔其國張犄角之勢同伐契丹六年冬

遣使上表云定安國王烏元明言臣本高麗舊壤渤海遺黎保據方隅涉歷星紀頃歲契

丹入侵境土攻破城寨俘掠人民臣祖考守節不降與眾避地僅存生聚以迄於今而又

夫餘府昨背契丹並歸本國災禍將至無大於斯所宜率兵助討必欲報敵其末題云元

興六年十月日上答以詔書令其協力同伐契丹端拱二年其王子獻馬及雕羽鳴鏑淳

化二年王子大元上表後不復至按烏氏為渤海者姓詳表中所敘當係渤海舊臣保守方隅不肯降遼者高麗舊壤在渤海為鴨綠府夫餘復

歸事遼史未載

宋薛暎記渡潢水石橋旁有饒州唐於契丹嘗置饒樂今渤海人居之

遼



遼史本紀太祖神册二年渤海遣使來貢四年修遼陽故城以渤海戶實之天贊三年渤海殺遼州刺史張秀實而掠其民四年十二月親征大譚譔丁巳次商嶺夜圍夫餘府天顯元年正月庚申拔之丙寅命特哩袞舊作揚阿敦舊作安前北府宰相蕭阿固齊舊作顯元等將萬騎為先鋒遇譚老相兵破之是夜大元帥耀庫濟舊作堯南府宰相蘇北院額爾奇木舊作夷薩納齊舊作斜涅南院額爾奇木迪里舊作迭圍忽汗城辛未譚讓率僚屬三百餘人出降上優禮而釋之甲戌詔諭渤海郡縣丙子遣近侍康末怛等十三人入城索兵器為邏卒所害譚復叛攻其城破之駕幸城中譚讓請罪馬前詔以兵衛譚讓及族屬出帝還軍中二月安邊鄭頡南海定理等府泊諸道節度刺史來朝慰勞遣之甲午復幸忽汗城改城名天福改渤海國為東丹册皇太子具為人皇王以主之以皇弟塔喇舊作迭為左大相渤海老相為右大相渤海司徒大素賢為左次相耶律伊濟舊作羽為右次相赦其國內三月遣額爾奇木康默記等攻長嶺唐書通考府已安邊鄭頡定理三府叛遣阿敦討平之乙酉以大譚讓舉族行五月南海定理二府復叛大元帥耀庫濟討之七月鐵州刺史衛鈞反耀庫濟攻拔之八月康默記等攻下長嶺府耀庫濟討平諸州太宗天顯三年遷東丹即夫餘民以實東平其民或亡入新羅女真五年以渤海戶賜皇弟拉呼舊作李聖宗統和四年涿州之役渤海小校貫海等叛入於宋十四年渤海雅必舊作蕭等侵鐵驪遣奚王和碩努等討之不克削和碩努官二十一年四月渤海

海部遣使來貢聖宗開泰八年置東京渤海承奉官都知押班遷寧州渤海戶於遼土二河之間太平八年以渤海宰相羅漢權東京統軍使九年八月東京實里舊作舍軍詳袞舊作詳大延琳囚留守駙馬蕭孝克及南陽公主殺戶部使韓紹勳等即位號其國為興遼年為天慶延琳先與副留守王道平謀道平夜踰城與延琳所遣召黃龍府黃嗣者俱至行在告變上即徵兵進討時蕭不勒迪舊作四治近延琳先率兵據其要害絕其西渡之計渤海太保夏行美先成保州延琳密馳書使圖統帥耶律布爾古舊作滿行美反以實告布爾古遂殺渤海兵八百人而斷其東路延琳知黃龍保州皆不附遂分兵西取瀋州節度副使張傑聲言欲降故不急攻及知其詐而已有備攻之不克而還時南北女真皆從延琳及諸道兵皆至延琳嬰城固守命燕王蕭孝穆等攻之十年八月延琳將楊祥世夜開南門納遼軍擒延琳渤海平詔渤海舊族有勲勞材力者敘用餘分居來隲遷闕等州天祚帝天慶五年二月饒州渤海古裕舊作古等自稱大王以蕭色佛呼舊作謝佛等討之為古裕所敗以南面副部署蕭圖斯哈舊作圖為都統赴之五月及古裕戰敗績丙辰獲古裕等六年正月朔東京神將渤海高永昌稱隆基元年閏月貴德州守將耶律伊都舊作余以廣州渤海附永昌二月張嘉努誘饒州渤海攻陷高州三月饒州平五月金軍破東京擒高永昌七月春州渤海叛尋降續通考遼太祖嘗親征渤海大譚讓拔夫餘府誅其守將遂圍忽汗攻破其城詔以兵衛



譚讓及族屬以出改渤海為東丹忽汗城為天福册皇子貝為人皇王以居之衛送大譚讓於皇都西城名譚讓曰烏爾古舊作烏魯妻曰阿勒扎舊作阿里改夫餘府為黃龍府世為遼重鎮

遼史營衛志太祖宏義宮以心腹之衛置益以渤海戶永興宮以太祖平渤海俘戶等置敦睦宮以渤海建瀋巖三州戶置

遼史兵衛志天顯元年滅渤海國地方五千里兵數十萬五京十五府六十二州盡有其眾契丹益大遼國兵制詔諸道徵兵惟南北奚王東京渤海兵馬雖奉詔未敢發兵必以

聞上遣大將持金魚符合然後行遼東為渤海故國太祖以其地建南京遼陽府統縣六轄軍府州城二十六有丁四萬一千四百

遼史地理志太祖東併渤海得城邑之居頁有三東京道遼陽府本朝鮮之地後為渤海大氏所有併吞海北地方五千里兵數十萬

金

金史粟末靺鞨始附高麗姓大氏李勣破高麗粟末靺鞨保東牟山後為渤海稱王傳十餘世有五京十五府六十二州太祖二年執寧江州渤海大嘉努次扎錫舊作扎水遇渤海軍攻我左翼七穆昆舊作謀眾少却敵兵直犯中軍太祖射耶律色錫舊作謝死敵大

奔十月召渤海梁福烏達喇舊作幹使偽亡去招諭其鄉人曰女真渤海本同一家我

興師伐罪不濫及無辜也收國二年詔渤海諸部官民已降或為軍所俘獲逃遁而還者勿以為罪其酋長仍官之且使從宜居處太宗天會四年命貝勒舊作字大臯以所領渤海軍八明安舊作益為萬戶

松漠紀聞渤海國去燕京及女真所都皆千五百里以石壘城脚東並海其王以大為姓右姓曰高張楊寶烏李不過數種部曲奴婢無姓皆從其主男子多智謀驍勇出他國右

至有三人渤海當一虎之語契丹太祖滅其王大譚讓徙其名帳千餘戶于燕給以田疇蠲其賦入往來貿易關市皆不征有戰則用為前驅天祚之亂聚族立姓大者於舊國為

王金人討之軍未至其貴族高氏棄家來降言其虛實城遂陷契丹所遷民益蕃至五千餘戶勝兵可三萬金人慮其難制頻年轉戍山東每徙不過數百家至辛酉歲盡驅以行

其居渤海故地者仍契丹舊為東京置留守有蘇扶等州蘇與中國青州登州相直契丹東丹王封於此自蘇乘後浮海歸後唐

遼東行部誌瀋州在唐時嘗為高麗侵據唐季不能勤遠為大氏所有傳國十餘世當五代時契丹與渤海血戰數十年竟滅其國于是遼東之地盡入于遼

謹案渤海處黑水靺鞨之南實靺鞨之粟末部也南併百濟北兼黑水幅員五千里在東方最為大國大氏自唐則天時建國迄於後唐歷二百餘年官府制度燦然大備其世次

傳受及使命往來史皆詳述惟是遼紀稱天顯元年太祖破忽汗城獲王大譚讓遂併其




地改渤海為東丹國而諸書皆云取夫餘一城以封托雲太祖既崩渤海王復攻夫餘不能克似譚讓尚在而宋太宗時有賜渤海瑛府王之詔徽宗時登州有置戍巡防渤海之奏似其國至北宋末猶存考之薛史及冊府元龜譚讓既俘統兵攻夫餘城者為王之弟即遼紀所載渤海諸州為遼攻得者惟忽汗城及西南二京南京止南海一府西京未得者尚有東平安遠等六府其東北之境並未屬遼即長嶺南海鄭頴定理諸府亦屢平屢叛聖宗十四年紀云渤海侵鐵驪遣奚王討之不能克二十一年紀云渤海來貢是忽汗破後壤地與遼相接者雖已入遼而國人收合餘部則自立王故五代史宋史宋會要通鑑通考皆謂止取夫餘一城也冊府元龜又有後唐遣人送渤海王憲歸國之文憲必王之子弟留中國者長興清泰間使命往來則仍世君其國可知第為遼所隔石晉又臣遼遂不復至耳至五京十五府六十二州之名詳見新唐書而州止六十考遼志東京道有崇集麓三州皆渤海所置而唐書不載又蓋州亦渤海置而唐書止載益州蓋本高麗之蓋牟城在今蓋平境益州為率賓故地實係二州則渤海州名固不止六十有二矣遼史又云唐元和時渤海王大仁秀南定新羅北畧諸部開置郡邑其見於志者若龍河會農吉理杉盧沸流鐵利安定銅山安寧諸郡若銀州之改為富州蓋州之改為辰州皆唐書所未及也王都忽汗城因河得名以地理及音譯考之當即今呼爾哈河河源出吉林烏拉界會畢爾騰湖東流經故會寧城北又九十餘里繞寧古塔城南北流七百里入混同


江唐書云渤海上京在忽汗河之東為肅慎故地新唐志云自安東都護府經蓋牟城又經渤海長嶺府于五百里至渤海王城城臨忽汗海其西南三十里有古肅慎城又曰自神州陸行四百里至顯州又正北如東四百里至渤海王城明一統志亦言金滅遼設都于渤海上京是忽汗城實與古肅慎城金會寧城相近俱在今寧古塔境其北即黑水境遼史以遼陽當之失之遠矣其餘府州多在今吉林烏拉寧古塔及朝鮮界並詳後遼既未能全併渤海以所俘獲散置他處多取渤海州邑之名以名之亦猶黔潭嚴廣蘇潤松江諸州之在遼耳又若大延琳之志恢宗國烏元明之守節不降割據頻興迄于天祚之世金太祖以本屬一家遣人招諭松漠紀聞謂智謀驍勇出他國右至有二人渤海當一虎之語不信然哉



欽定滿洲源流考卷六







70025500



